

PRANUAR ME:

ACCEPTED ON:

PRIMLJENO:

Nr.No.Bt.

08.11.2022

02/542

REPUBLIKA E KOSOVËS
KUVENDI I KOMUNËS NË MALISHEVË

Nr. 02/
Datë: 08.11.2022

PROCESVERBAL

i mbledhjes së -VI- (gjashtë) të rregullt Kuvendit Komunal të Malishevë

RENDI DITËS

1. Shqyrtimi dhe miratimi i procesverbalit të mbledhjes së -III- (tretë) të jashtëzakonshme datë: 13.05.2022 dhe procesverbali nga mbledhja e -V- (pestë) të rregullt datë: 09.08.2022
2. Shqyrtimi i Raportit të Drejtorisë së Bujqësisë për përfundimin e korrjeve-shirjeve, për vitin 2022.
3. Shqyrtimi dhe miratimi i kërkesës nr.01/1608 datë:19.09.2022, për ridestinimin e mjeteve nga projektet kapitale.
4. Shqyrtimi dhe miratimi i kërkesës nr.04/831 datë: 31.08.2022 për projekt-buxhetin për vitin 2023-2025, me theks të veçantë për vitin 2023.
5. Shqyrtimi i kërkesës nr. 02/252 datë: 23.05.2022 të parashtruar nga Besnik Bytyqi, për lejimin e ndërtimit të rrethojave të varrezave në fshatin Shkozë.
6. Shqyrtimi i kërkesës nr. 11/651 datë:13.09.2022 e parashtruar nga Drejtoria për arsim dhe Edukim,për Komisionin përzgjedhës për shqyrtimin e konkursit për zgjedhjen e drejtorit dhe të zëvendës drejtorit në institucionet arsimore, që janë në vartësi të Komunës,sipas konkursit nr.11/1418 datë:12.08.2022,nr.11/1419 datë: 12.08.2022.
7. Shqyrtimi dhe miratimi i kërkesës nr.02/394 datë: 13.09.2022 e parashtruar nga Zyrafete Paqarizi nga fshati Dragobil.
8. Të ndryshme.

Mbledhja u mbajt me datë: 27.09.2022 dhe filloi në ora: 10:20. Të pranishëm në fillim të mbledhjes ishin: 29 asambleistë, kryetari, nënkryetari, drejtorë komunal,përfaqësues nga OSBE-ja, përfaqësues nga KFORI Zvicëran dhe zyra për informim. Mbledhjen e kryesoi Kryesuesi i Kuvendit Komunal të Malishevës z.Argjend Thaçi.

Argjend Thaçi: Përshëndetje për të gjithë dhe mirë se keni ardhur në mbledhjen e gjashtë të rregullt të kuvendit komunal. A e dëshironi fjalën jashtë rendit të ditës. Urdhëro, Mirëlinda!

Mirëlinda Gashi: Përshëndetje për të gjithë!
Unë dua ta ngre një çështje për Drejtorin e Shërbimeve Publike rreth transportit urban, sepse nuk po ka vija të mjaftueshme për transport të udhëtarëve. Unë kërkoj nga Drejtoria për Shërbime Publike që të del të shikojë gjendjen dhe të vendos më shumë vija të transportit për udhëtarët.

Argjend Thaçi: Faleminderit, Mirëlinda!
Urdhëro, Arlind!

Arlind Morina: Përshëndetje për të gjithë!
E falenderoj Drejtorin e Administratës për punën e mrekullueshme që e ka bërë qëna ka pajisur me lllaptop.

Argjend Thaçi: Faleminderit, Arlind!
Urdhëro, Veton!

Veton Zogaj: Përshëndetje për të gjithë!
Prej 6 seancave që i kemi mbajtur kam pasur 33 çështje që i kam shprehur këtu dhe vetëm një nga ato 33 çështje është realizuar dhe ajo është kërkesa për rrugën "Adem Jashari" që është asfaltuar. Sot i kam dhe 5 çështje të tjera, e para ka të bëjë me Drejtorinë e Urbanizmit. Kemi shumë rrugë në fshatra të cilat nuk janë bërë, janë dëmtuar, gropa ka gjithandej dhe ne ndajmë buxhet vjetor për mirëmbajtjen e rrugëve dherrugët që sa vite i kemi të njëjta. Te trotuarët janë dy raste të cilat i kam parë vet, është rasti i trotuarit në lagjen "Hazrolli" në Banjë, ai trotuar nuk e plotëson asnjë kriter, është 40cm dhe nuk e di se si do të eci një njeri në atë trotuar. I njeiti rast është trotuari në rrugën "Adem Jashari" te Tërpeza e ulët. Trotuari te lagjia "Haxhaj" në Carrallukë, janë 15m që nuk është shtruar trotuari për arsye politike. Qështja tjetër është keqpërdorimi i veturave zyrtare. Unë kam bërë pyetje dhe në seancën e kaluar dhe dëshiroj të di se kush ka të drejtë me i përdor veturat zyrtare pas orari të punës? Unë e kam parë që Drejtori i Shëndetësisë po e përdor veturën zyrtare për nevoja personale dhe jo për punë. Qështja tjetër është një urë e vogël te Delfina dhe stacioni i autobusëve, që nuk ka një rrethojë që t'i mbrojnë qytetarët kur të kalojnë sepse është shumë rrezik për ta. Qështja e kontratës me TV Diellin, për promovimin e qeverisjes për projekte të caktuara, a nuk kemi ne medime lokale që nuk ja kemi dhënë këtë kontratë. I kemi dy media lokale është dashur paraprakisht të ftohendhe të bisedohet dhe ndoshta na i kishin mbuluar këto promovime dhe këto çështje mediale pa para.

Argjend Thaçi: Urdhëro, Valjetë!

Valjetë Hoti: Përshëndetje për të gjithë!
Një pyetje për ekzekutivin apo ata që e ndiejn vetën kompetent për këtë çështje: Çfarë ka ndodhur me bursat e studentëve? Nëse keni vendosur me i ndalu të dilet me një arsyetim serioz dhe të tregohet arsyeja përse mjetet të caktuara për këtë qëllim kanë shkuar në projekte të tjera?

Argjend Thaçi: Urdhëro, Alban!

Alban Kastrati: Përshëndetje për të gjithë!

Unë dëshirova të ngris një qështje që kohët e fundit jemi ballafaquar të gjithë. Këto ditë kemi pasur ndërprerje të rrymës me orar të gjatë, afër 24 orë pa rrymë. Unë kam provuar që të kontaktoj me menaxherët e KEDS-it, por nuk kam mundur të marr ndonjë informatë. Unë po kërkoj nga ju që ta bëni një linjë komunikimi në mes qytetarëve dhe KEDS-it, ose t'i bëhet presion KEDS-it që mos me u sjellë kështu me qytetarët e Malishevës, sepse forma që është duke u sjellur KEDS-I është duke i injoruar qytetarët.

Dua ta falenderoj Drejtorin e Administratës dhe Kryesuesin për pajisjen me laptop, na keni ofruar kushte më të mira dhe tani neve na mbetet vetëm të punojm.

Argjend Thaçi: Faleminderit, Alban urojë t'i gëzoni. Urdhëro, Halil!

Halil Morina: Përshëndetje për të gjithë!

Shfrytëzoj rastin të falenderoj drejtorin dhe qeverinë komunale për furnizimin me laptop, të cilët do na lehtësojnë punën si anëtarë të kuvendit komunal. Një prej detyrave më të rëndësishme për ne si asambleistë është që të shprehim shqetësimet për qështje të ndryshme sa i përket Komunes tonë. Siç tha dhe Albani duhet të ketë një linjë në mes KEDS-it dhe qytetarëve për shkak të problematikave dhe ndaljes së rrymës në mënyrë arbitrare, por mundet me pas dhe dezinformata. Unë nuk mundem me dal me dhënë vlersime rreth infrastrukturës, sepse duhet me qenë eksapert i asaj punës dhe duhet me pas një liqenc prej autoriteteve të caktuara që je në gjendje me e vlersu një kanalizim, një trotuar dhe me thënë sipas ekspertizave të mia kjo nuk i plotëson standartet fare. Sa i përket Drejtorit të Shëndetësisë të gjithë e dinë se qfar pune ka bërë Drejtori Hajdin Berisha. Gjatë kohës së pandemis ka marr vlerësime dhe nga oponentët e tij politik për këtë qështje dhe me dal me thënë që vetëm me shëndetësi nuk merret, këtë nuk ta pranojnë as votuesit e tu. Andaj ta përdorim këtë foltore për shqetësime të cilat janë në dobi të qytetarëve të komunës.

Argjend Thaçi: Urdhëro, Valon!

Valon Mazreku: Përshëndetje për të gjithë!

Faleminderit kryetar dhe drejtor për laptopët që na keni sjellë.

Unë kam dy shqetësime: kërkesa e parë ka të bëjë me qytetin e Malishevës. Programi I Nisma Socialdemokrate e cila i ka fituar zgjedhjet ka qenë Malisheva Urbane dhe orientimet që kanë ardhur në projekt buxhetin janë të mbështetura në programin të cilin e ceka. Ajo që ne si qytet I kemi mangu dhe konsideroj që është koha me vendos për këtë qështje, është qështja e varrezave të qytetit. Ne ende nuk kemi një lokacion të caktuar për varrezat e qytetit, duke e marr parasysh trendin e migrimit nga fshatrat në qytet, trendin e ndërtimit të objekteve në qytet është e domosdoshme që sa më parë të përcaktohet një pronë për varrezat e qytetit.

Kërkesa e dytë është që ndoshta shumë komuna kanë këtë problem, i cili është problemi me qentë endacak, ky është një fenomen që po na shqetëson të gjithë. Kisha kërkuar që sa më shpejt të bëhet një zgjidhje për këta qenë endacak, sepse jemi të kërcënuar të gjithë jo vetëm fëmijët.

Argjend Thaçi: Urdhëro, Burim!

Burim Paqarizi: Përshëndetje për të gjithë!

Unë sot do e ngis një çështje. Ne e kemi parë që orientimi i buxhetit është në qendër të qytetit, por shqetësim kryesor i qytetarëve është çka ka me ndodhë me qendrën dhe ne ende nuk kemi parë asnjë projekt se si ka me u realizuar qendra e qytetit. Kemi pyetje se si do të duket, çka do të përmbajë?

Ne kemi parë që tenderi është fituar nga një kompani e qytetit, është mirë që në ditët në vazhdim të prezantohet projekti çka do të përmbajë, si do të realizohen ato parkingje nëntoksore, por me 2.000.000.00E mundet me u ndërtu vetëm një parking mbitokësor, jo ai nëntokësor. Kryetari ndoshta mundet me na shpjegu këtë më mirë. Një shqetësim tjetër i qytetarëve është lokalet që gjenden në rrugën "Ibrahim Mazreku", çka do të ndodhë me ato lokale, a do të shkatërrohen apo si është gjendja e këtyre lokaleve. Të na jepet një shpjegim më të mirë, sepse ju rrezikohen bizneset që i mbajnë familjet e tyre.

Argjend Thaçi: Urdhëro, Veton!

Veton Zogaj: Kryesues, merre rregulloren dhe shpërndaju asambleistëve që ta lexojnë dhe ta respektoni rregulloren kush ta kërkon fjalën i pari për replik duhet me ja dhënë. Halil, vetëm ligjërata psikologjike mos na mbajë. E dimë ne qfarë ideologjie të politikës ndjekim, qfarë eksperti të duhet kur të tregojmë që rrugët janë të ndërprera nëse dëshironi shkojmë të gjithë dhe i shikojmë në qfar gjendje janë ato rrugë. Qfarë eksperti po kërkon me ta vlersu trotuarin kur në kontrat shënon 80cm gjersi, por në ato trotuare nuk janë 80cm. Qfarë eksperti po kërkon që kjo përrocka te stacioni i autobusëve është në gjendje të tmerrshme prej kanalizimeve dhe nuk ka mur mbrojtës.

Argjend Thaçi: Urdhëro, Alban Kastrati!

Alban Kastrati: Është mirë që në seancat e tjera të jeni prezent në mënyrë që të ju përgjigjeni pyetjeve tona. E kam parë në media që të shtunën Kryeministri i ka thirrur të gjithë Kryetarët e çdo komune një takim me ta. Kryetar a keni pasur takim me Kryeministrin dhe a i keni propozu ndonjë kërkesë Kryeministrit të Republikës së Kosovës dhe a keni pasur ndonjë përgjigje nga ai.

Argjend Thaçi: Urdhëro Halil Morina!

Halil Morina: Ka segmente të caktuara ku në disa vende kur ska pasur më shumë pronë publike është dashur të ngushtohet trotuari, për këtë arsye t'i kursejm dezinformatat.

Argjend Thaçi: Fjalën e ka kërku Nebih Bibaj!

Nebih Bibaj: Halil, ne kemi të drejt të bëjmë pyetje dhe janë personat kompetent që munden me na dhënë përgjigje është Kryetari dhe janë Drejtorat.

Argjend Thaçi: Urdhëro, Labinot!

Labinot Gashi: Përshëndetje për të gjithë!

Problemet që u ngritën nga kolegët ekzistojnë, mirëpo unë desha ta ceki një qështje meqenëse jemi në javën e pestë të grevës, në grevë është dhe administrata komunale në gjithë Kosovën. Një

konkurs që është hapur për Drejtor të shkollave, qytetarët kanë pasur probleme që të aplikojnë dhe konkursi ka përfunduar dje, deshta një përgjigjie nga Drejtoresha e Arsimit dhe kisha kërkuar që afati i aplikimit të shtyhet.

Argjend Thaçi: Urdhëro, Kryetar!

Ekrem Kastrati: Përshëndetje për të gjithë!

Sa i përket varrezave të qytetit, ne jemi përcaktuar në një lokacion të salla e sportit, mirëpo kemi bërë një kërkesë që të ndahet dhe një parcelë për shoqatën Jetimat e Ballkanit kërkesë që dhe ju e keni miratuar, një institucion për fëmijët me nevojë të veqanta. Po vazhdojnë përpjekjet me përfaqësuesit e Jetimave të Ballkanit që me e jetësu këtë projekt i cili është i vetmi në Kosovë dhe këtë po mundohemi që me e sjell në Malishevë. Për qenët endacak është një problem e kemi theksuar dhe më parë që nuk është vetëm komuna Malishevës që ka këtë problem por është e tërë Kosova. Komuna e Prishtinës ka filluar trajtimin por po ka shumë vretje, sepse kanë filluar që nga komunat tjera të dërgohen qenët endacak në Komunën e Prishtinës dhe po ka probleme. Ne për vitin 2023 do ta parashohim një buxhet minimal në përputhje me mundësit tona dhe do të tentojmë të kemi një bashkëpunim dhe me komunën e Klinës dhe të i trajtojmë këta qenë endacak. Për qentë endacak është biseduar dhe në takim me Kryeministrin dhe është zotuar që kanë me e trajtu këtë qështje besoj që do të dal me një udhëzim administrativ apo me një akt ligjor që e rregullon këtë qështje.

Te qendra e qytetit sigurisht që keni të drejt të gjithë të pyesni se qfar do të bëhet me qendrën e qytetit. Ne sigurisht i kemi marr disa hapa dhe kemi shpallur një thirrje publike që të aplikojnë kompanitë e interesuara dhe tashmë kanë aplikuar disa kompani. Në momentin kur të nënshkruhet kontrata ju do të jeni të parët që do ta shikoni projektin që do të vijë dhe eksperti së bashku me qeveritë komunale dhe së bashku do ta prezantojmë këtë projekt.

Takimi me Kryeministrin është e vërtetë ne kemi pasur takim të shtunën dhe kemi biseduar për shumë qështje. Kanë qenë 3 tema: energjia elektrike, ujrat, shpenzimet kapitale, buxheti për vitin 2023. Ndërsa për shqetësimet e juaja i kam ngritur 3 tema: e para ka qenë uji i pijes, kam kërkuar që të na ndihmojë lidhur me projektin e ujësjellsit përmes sistemit të Radoniqit. Tema e dytë është furnizimi me energji elektrike, Malisheva gjithmonë ka reduktime për arsye të sistemit të ngushtë që na vjen nga Rahoveci prej 35kë dhe deri të vjen te ne bëhet 20kë, sepse ka humbje dhe detyrimisht ne duhet me pas reduktime. Kërkoja nga kryeministri që dhe në këtë qështje të marr masa të na ndihmojë të inicioj procedurën që ka qenë më heret për vendimin e 220kë dhe tani vetëm presim vendimin nga qeveria. Kërkesa ime e tretë ka qenë ndërtimi i fabrikës së ujërave të zeza në Bubël, sepse ju e dini që lumi mirusha e ka një kontaminim nga ujrate zeza që derdhen në lum, dhe na duhet sa më shpejt me ndërtu një fabrikë të tillë në mënyrë që lumi mirusha ta ketë një cilësi të mirë të ujit të jetë aset racional jo vetëm për Malishevë por për krejt Kosovën. Këto ishin temat që i kam ngritur në takim me Kryeministrin.

Argjend Thaçi: Urdhëro, Avdi!

Avdi Morina: Përshëndetje për të gjithë!

Këto vonesa që janë bërë për mirëmbajtjen e rrugëve janë bërë për shkak të vonimit të alokimit të buxhetit, pastaj organi shqyrtues i prokurimit publik nuk ka qenë funksional. Ankesat që kanë qenë në këtë organ nuk i ka shqyrtuar deri më tani, sot oragani i prokurimit i ka kthyer përgjigjet konform vendimit që ka nxjerr Komuna e Malishevës dhe pikërisht sot nënshkruhet

kontrata e mirëmbajtjes së rrugëve, e cila është me kontrat tre vjeqare. Tek trotuarët që i ceke për ngushticat ka disa prona që janë private dhe njerëzit nuk dëshirojnë që të vendosin trotuar në pronën e tyre dhe kemi qenë të detyruar që në disa vende të i ngushtojmë ato trotuare. Qështja e prrockës mund të jetë problem dhe unë pajtohem plotësisht, por mënyra e qasjes tëndë më shumë është tendencioz sesa zgjidhje problemi.

Te bizneset në momentin që nënshkruhet kontrata do të dalim dhe do ta paraqesim projektin para bizneseve, sepse i prek një numër të konsiderushëm të bizneseve.

Argjend Thaçi: Urdhëro, Labinot!

Labinot Gashi: Unë e ngrita qështjen e konkursit për Drejtor të shkollave që është mbyllur konkursi dhe qytetarët kanë pasur problem të aplikojnë, a ka mundësi që konkursi të shtyhet për shkak të grevës. Përgjigjen ndoshta mundet me na dhënë dhe Kryetari i Komunës, sepse është shqetësim i qytetarëve.

Argjend Thaçi: Urdhëro drejtor!

Fatmir Ademaj: Qështja e grevës është në të gjitha institucionet e kuvendeve Komunale në Republikën e Kosovës, por ne si Drejtori e Administratës kemi krijuar një linjë emergjence ku kanë punuar dhe ofiqarët. Sa i përket konkursit nuk jam kompetent për të, por për pranim të dokumenteve kompetent jemi ne Drejtoria e Administratës nuk ka asnjë qytetatrë që ka sjellur dokumentacion dhe që nuk i janë pranuar për aplikim.

Argjend Thaçi: Drejtoresha e Arsimit Arbëresha Krasniqi e ka fjalën.

Arbëresha Krasniqi: Përshëndetje të gjithë!

Unë I dëgjova pyetjet të cilat i bëte për konkursin për drejtor, i cili tashmë është i mbyllur ligjërisht, dhe nuk kemi të drejt që konkursi të vazhdohet, sepse janë procedurat e tjera, dhe unë personalisht nuk kam dëgjuar që ndonjë qytetarë ka ardhur që të aplikoj dhe nuk ka mundur që të aplikoj për shkak të grevës. Unë i falenderoj të gjithë punonjësit e Administratës në komunën e Malishevës që secili me përkushtim i ka kryer të gjitha punët edhe pse sipas sindikatës dhe sipas tyre janë në grevë. Qështja e bursave në bashkëpunim me kryetarin e komunës jemi duke e trajtuar jo tani por ka shumë kohë që t'i përfshijmë të gjithë aplikuesit për bursë. Pra kërkesa e DKA-së është që të plotësohen të gjitha kërkesat për bursë dhe jo vetëm ato që janë parapar, besoj që shumë shpejtë do të kenë mundësi t'i gëzojnë bursat të gjithë ata që kanë aplikuar, normalisht ata të cilët i plotësojnë kushtet e kriteret që janë në konkurs.

Argjend Thaçi: Urdhëro Mirëlinda Gashi!

Mirëlinda Gashi: Unë më heret e bëra nja pyetje për Drejtorin e Shërbimeve Publike, mirëpo ai për momentin nuk është këtu nëse Kryetari mundet me na dhënë përgjigje për transportin, unë bëjë kërkes që të shtohet linja e autobusave sepse shumë pak ka linja transporti po ashtu kur të fillon shkolla autobusët po janë shumë të mbi ngarkuar me një numër të madhë të nxënësve të cilët rri në këmbë. Unë kërkoj dhe nga policia që të dal dhe të shohin gjendjen se qfarë po ndodhë.

Argjend Thaçi: Urdhëro, Nënkrjetar!

Vescl Krasniqi: Përshëndetje të gjithë!

Sapo ka përfunduar konkursi për aplikim për ndarjen e vijave nëpër fshatra. Ka fshatra që ne i kemi shpallur për linja por kompanitë nuk kanë shprehur interes dhe nuk kanë aplikuar për ato fshatra, ne do të interesohemi sepse është interes i të gjithë qytetarëve për me pas linja më të shpeshta nëse jo autobus sigurisht do të angazhojmë kombibusa në mënyrë që qytetarët të mund të ken linja të caktuara për lëvizje të tyre. E ceke që ka autobusa të mbingarkuar por unë kam vrejtur dhe vetë që ka autobusa që me 5 nx.e mban linjën, por sigurisht do t'i inspektojmë këto qështje të cilat janë shqetësim.

Argjend Thaçi: Faleminderit nga të gjithë ju që kontribuat në diskutimin jashtë rendit të ditës. Kalojmë tek rendi i ditës, fillimisht kërkoj të hyjë në rend të ditës një pikë e cila ka të bëjë me një rishqyrtim të ligjshmëris të aktit, arsyetimi që e ka kthyer ministria është: Ministria e mjedisit, planifikimit hapsinor dhe i infrastrukturës pas shqyrtimit të përmbaitjes të vendimit nr.02/367 për miratimin e kërkesës nr.02/190 datë: 15.04.2022 të parashtruar nga kryesia e fshatit Bellanicë për bashkimin, ndarjen e parcelave dhe caktimin e lokacionit të ri për varrezat në fshatin Bellanicë, miratuar nga Kuvendi në Malishevë, konstatoj që hyrja e vendimit duhet të jetë sipas ligjit nr.04/L-174 për planifikimin hapsinor. Vendimi duhet të jetë i bazuar në dokumentet e planifikimit hapsinor sipas Ligjit nr.04/L-174 për planifikimin hapsinor dhe dokumenteve të tjera që janë të parapara me këtë Ligj. Nuk lejohet destinim tjetër apo shfrytëzim tjetër nga ajo që është e parapar me dokumentet e planifikimit hapsinor pjesën tekstuale dhe grafike në fuqi sipas Ligjit 04/L-174 për planifikimin hapsinor. Të merret vendim i drejtë dhe i ligjshëm konform dispozitave ligjore në fuqi, jo më vonë se afati i parapar me dispozitat e nenit 9 të rregullores nr.06/2021 për ndryshimin dhe plotësimin e rregullores 10/2019 për shqyrtimin administrativ të akteve të komunave. Kërkoj nga ju që kjo pikë të hyjë në rend të ditës. Urdhëro, Nebih!

Nebih Bibaj: Përshëndetje për të gjithë!

Ne si grup i PDK-së, kërkojmë largimin nga rendi i ditës të projekt buxhetit për vitin 2023-2025, me arsyeshmërinë se ne si grup parlamentar besojm se ky projekt buxhet nuk i ka kaluar të gjitha procedurat e mundshme, duke filluar prej dëgjimeve publike nëpër fshatra që i keni ikur realitetet me u ballafaquar me qytetarin. Në muajin mars të këti viti ka qenë një fjalë publike e kryetarit që ju si opozitë do jeni të përfshirë në projekt buxhetin e vitit të ardhshëm, do jeni të thirrur që ta bëjmë një projekt buxhet për komunën, por jo në këtë formë të një anshme të cilën keni shkuar. Kryetar, më ka shqetësuar fakti që nuk ke bërë dëgjime publike nëpër fshatra. Ne jemi për të investuar në qendër, mirëpo ku keni qenëdy mandatet tjera pse nuk keni investuar. Ne si opozit kemi qenë të gatshëm të jemi brenda buxhetit. Çka do t'i bëjmë ne atyre që kanë mbetur pa kanalizim e pa trotuar, ky është një fakt që mua më shqetëson. Na ka ardhur prapë një fletë për projekt buxhet, janë hequr disa mjete dikun dhe i ke shtuar në një vend tjetër, kjo për herë të parë ndodhë. Kjo po më shqetëson që keni obligime shtesë dhe po na sjellni këto në Kuvend. Ne jemi që kjo pikë të largohet dhe të ulemi bashkarisht ta bëjmë buxhetin. Të paktën shefat e grupit të thirren dhe të ulen të bisedojnë.

Argjend Thaçi: Urdhëro, Valon!

Valon Krasniqi: Përshëndetje për të gjithë!

Unë propozoj që të futet në rend të ditës zëvendësimi i antarit të Komisionit të Bujqësisë nga radhët e VV-së dhe Listës Guxo, arsyja është që antari i deritanishëm ka marrë përgjegjësi të reja në një subjekt tjetër politikë.

Argjend Thaçi: Urdhëro, Labinot!

Labinot Gashi: Përshëndetje për të gjithë!

Sot kemi për t'i diskutuar çështjet më të rëndësishme për qytetarët e Komunës së Malishevës. Me 1 shtator kryetari e ka për obligim të ja dërgoj Kuvendit buxhetin. Kuvendi i bënë dëgjimet publike. Një shqetësim tjetër sa i përket buxhetit është se në fillim të senacës na erdhi një material, i cili ka komplet ndryshim të shifrave me atë që e kemi marrur në email. Na duhet hapsirë dhe kohë që dhe ne të japim propozime. Deri me 30 shtator është afati i fundit i kalimit të buxhetit dhe kisha kërkuar të na jepni kohë dhe të sjellim dhe ne ndonjë propozim. Në këtë legjislaturë Kuvendi është i degraduar, sepse Kryesuesi është përfaqësues i Kuvendit dhe jo i qeverisë. Ne po dëshirojmë të japim kontribut dhe ju po na e pamundësoni.

Argjend Thaçi: Ky Kuvend dhe kjo legjislaturë është më e mira prej të gjitha legjislaturave të kaluara. Pse nuk kalon një projekt ose një qëllim nuk do të thotë me degraduar Kuvendi. Urdhëro, Veton!

Veton Zogaj: Përshëndetje për të gjithë!

Dhe unë po e ndaj kërkesën e njejtë me dy përfaqësuesit e partisë opozitare. Arsyeja pse po kërkojmë që pika për buxhetin të shtyhet për një seancë tjetër është sepse nuk janë respektuar disa prej procedurave ligjore të cilat keni qenë si qeveri komunale të obliguar. Ligji për menaxhimin e financave na obligon neve qoftë si kuvend apo si kryesi të kuvendit, si KPF-ë që t' i mbajmë dëgjimet publike. Kemi qenë të obliguar të dalim të i mbajmë në disa bashkësi lokale disa dëgjime publike, ajo që e kam parë unë nga nënshkrimet e dëgjimeve publike, janë të gjithë punëtorë të administratës që kanë marrë pjesë në dëgjime publike. Nuk ka asnjë kriter për barazin gjinore.

Argjend Thaçi: Urdhëro, Halil,!

Halil Morina: Pika e projekt buxhetit nuk ka asnjë shkelje ligjore, ndëgjimet publike janë mbajtur, është mbajtur dhe me kryetarë të fshatrave kështu që ne si grup parlamentar jemi pro e këtij rendi të ditës duke e pasur parasysh dhe propozimin që ka ardhur nga MAPL-ja ajo pikë patjetër që duhet të hyjë në rend të ditës, duke pasur parasysh dhe propozimin tënd.

Argjend Thaçi: 29 asambleistë janë prezent. E hedhim në votim propozimin tim së pari:

Shfuqizimi i vendimit nr.02/367. Kush është që ky propozim të hyjë si pikë në rend të ditës?

Me vota unanime, ky propozim hynë në rend të ditës.

Kalojmë propozimi i Nebih Bibaj nga PDK-ja që pika shqyrtimi dhe miratimi i projekt buxhetit për vitin 2023-2025 të largohet. Kush është për?

Për: 14

Kundër: 15

Abstenim: 1

Me 14 vota për, 15 kundër dhe 1 abstenim kjo pikë mbetet në rend të ditës.

Kalojmë tek propozimi I Valonit: Zëvendësimi i antarit të VV-së në Komitetin për Bujqësi. Kush është për qëky propozim të hyjë si pikë në rend të ditës?

Me vota unanime, ky propozim hynë si pikë e rendit të ditës.

E hedhim në votim rendin e ditës, kush është për?

Për: 17

Kundër: 13

Abstenim: 0

Me 17për, 13kundër, asnjë abstenim, aprovohet rendi i ditës.

Kalojmë te pika e parë: Shqyrtimi dhe miratimi i procesverbalit të mbledhjes së -III-(tretë) të jashtëzakonshme datë: 13.05.2022 dhe procesverbali nga mbledhja e -V-(pestë) të rregullt datë: 09.08.2022. A dëshiron ndokush të shtojë ndonjë gjë rreth kësaj pike?

Urdhëro Labinot Gashi!

Labinot Gashi: Sa i përket procesverbalit kisha kërku që te fjala ime të ndryshohet në faqe 16, ka qenë që unë jam dakort me i profilizu 3 shkollat e mesme dhe këtu është e cekur 3 shkollat në Drenoc dhe debati që e kam pasur me Drejtoreshën përsëritet disa herë fjala ka qenë për statusin e shkollës jo statutin sepse janë dy gjëra të kundërta.

Argjend Thaçi: Urdhëro, Halil!

Halil Morina: Me sa e kam pare në email kur ka ardhë materiali nuk ka qenë procesverbali dhe nuk mundemi me vlerësu kur nuk kemi pasur kohë që ta lexojmë. Nëse kemi diqka mundemi dhe seancën e ardhshme me diskutu.

Argjend Thaçi: Urdhëro Veton!

Veton Zogaj: Unë kisha kërku që procesverbalet të na vijnë më herët dhe të kemi kohë të mjaftueshme që ta lexojmë dhe ta verifikojmë sepse kështu po humbë dhe vëmendja se qfarë kemi biseduar.

Argjend Thaçi: Kush është për miratimin e procesverbalit të mbledhjes së -III-(tretë) të jashtëzakonshme datë: 13.05.2022 dhe procesverbali nga mbledhja e -V-(pestë) të rregullt datë: 09.08.2022. Me vërejtje

Për: 27

Kundër: 0

Abstenim: 1

Miratohet pika e parë e rendit të ditës.

Kalojmë tek pika e dytë: Shqyrtimi i Raportit të Drejtorisë së Bujqësisë për përfundimin e korrjeve-shirjeve, për vitin 2022. Për të paraqitur këtë raport ftojë Drejtorin për Bujqësi Sylë Dukolli.

Sylë Dukolli: Përshëndetje për Kryetarin e komunës z.Ekrem Kastrati për të gjithë ju asambleistë Drejtorë dhe ekzekutiv. Për të filluar fushata e korrje-shirjeve me datë: 30.06.2022 sipas protokollit, kryetari I komunës ka formu fushatën me 5 anëtarë, që kanë pasur për detyr ta

përcjellin fushaten e korrjeve-shirjeve e cila është emidiate jo vetëm për qytetarët e komunës së malishevës por për të gjithë qytetarët e republikës së Kosovës. Murat Kryeziu ka qenë kryetarë fushate, Remzi Paqarizi, Leotrim Kastrati, Bardhyl Buqaj dhe Gani Kryeziu këta kanë qenë në detyrë sipas aktvendimeve të caktuara që të përcjellin fushaten e korrje-shirjeve në Komunën tonë. Në këtë vitë në Komunën tonë kanë qenë të mbjellura me drithëra të bardha 3587 hektarë, besojë e keni raportin që ju ka dërguar Kryesuesi dhe këto sipërfaqe janë pritë që të korren dhe kanë përfunduar, është bërë nën përcjelljen e shtabit I tërë ky proces që ka qenë i formuar nga Kryetari, kanë dalë pothuajse në secilin fshatë ku janë bërë korrje-shirjet dhe kanë shiku se a janë duke u përcjell ato kërkesa ku njëra prej tyre ka qenë e Ministries së Bujqësisë, Pylltarisë dhe Zhvillimit rural që ka qenë 130E për hektarë. Në bazë të raportit dhe takimit që kam pasur me ta shumica e kanë zbatu këtë vendim. Sipas shtabit niveli i lagështisë së grurit ka qenë abdimal. Kanë qenë kushtet e përshtatshme ekologjike për korrje-shirje. Kjo strukturë e paraqitur këtu tregon se në komunën tonë sipërfaqe me grurë kanë qenë 3504 hektarë, Tërshër 45 hektarë, dhe Elbë 38 hektarë. Ky shtab ka vizitu dhe pikat grumbulluese të drithërit ku i kanë dorëzuar fermerët tanë dhe gjithashtu mullinjët ku e kanë vërtetuar se a është lagështia në nivel dhe a është në përputhje procesi sipas vendimeve të nxjerra nga Komuna. Të angazhuara kanë qenë 38 autokombanja të cilat nuk kanë qenë vetëm të komunës tonë por kanë qenë dhe të komunave të tjera, vlenë të theksohet se mesatarja në bazë të asaj që kanë aplikuar për subvencione në Ministrinë e Bujqësisë del që në këtë vitë për 1 hektarë toka ka paguar afër 3900kg. Fushata korrje-shirje në komunën tonë ka përfunduar me datën 28.07.2022 nga ana e komisionit dhe e Drejtorisë ky proces ka përfunduar me sukses.

Argjend Thaçi: Urdhëro Nebih Bibaj!

Nebih Bibaj: Faleminderit Sylë në sjelljen e raportit dhe të uroj suksese në detyrën e re. Grupi shtabi emergjent që ka qenë, besoj që ky është marrë me pjesën kur është bërë pjekja e grurit që ndoshta dhe në disa vende janë vonu autokombanjat për korrjen e grurit. Mirë do të ishte kryetarë që ti subvenciononi fermerët me farë dhe plehra sepse në minimum kemi 50% të rritjes së plehrave dhe farave dhe kjo po e ndal mbjelljen e tyre, apo jo subvencionimi i tyre, unë isha ndal më shumë te kjo pjesa sepse është shumë e rëndësishme me i përkrah me subvencione dhe me i dhënë vullnet për mbjelljen e tokave të tyre fermerët që kanë mbi 1 hektarë, sepse janë qmime të papërbalueshme të naftit të farave, të plehrave. Megjithatë unë besoj që do të ju ndihmohet dhe të mos shkohet te multikultivatorët, por të ndalesh që ti financosh bujqit që me të vërtet kanë nevojë që ti qosh përpara.

Argjend Thaçi: Urdhëro Valon!

Valon Mazreku: Faleminderit Drejtor për këtë raport, po e shfrytëzoj rastin me ta uru pozitën e Drejtorit të uroj suksese. Ky raport është i kopizuar në kontekstin e titullit që është krijuar raporti. Konsideroj që drejtoria e bujqësisë ka shumë aktivitete të cilat ka që ti pasqyrojë në raportin e Drejtorisë kur ta sjellë.

Argjend Thaçi: Fjalën e ka Veton Zogaj!

Veton Zogaj: Aktiviteti i Drejtorisë së Bujqësisë është pak më i madh por këta janë fokusi vetëm tek korrje-shirje, dhe çdo herë është sjellë një raport i tillë nga ana e Muratit. Presim nga ti një

raport më të zgjeruar dhe jo të shkosh hapave të tij. Në drejtori ki dhjetra kërkesa të cilat ja kam dërguar Muratit shpresojmë që nuk I ka humbur fillo nga ato dhe përgjigjiu, dhe këto shpalljet që bëhen publikojë me Emër dhe Mbiemër që ta dimë se kush e ka përfituar serën dhe kush paisjet e tjera, mos i vendosni me kode.

Argjend Thaçi: Halil Morina e ka kërkuar fjalën!

Halil Morina: Faleminderit Drejtor për raportin ajo që është e rëndësishme për ne e potencoj dhe Nebihu ngritja e qmimit të farave, karburantëve jau vështirëson në mas të madhe bujqëve mbjelljen e tokës me këto produkte që konsiderohen si produkte strategjike sidomos gruri dhe misri. Sot më shumë se kurrë na duhet neve që të mbjellim tokën, dhe që ta mbjellim sa më shumë që është e mundur duhet me e dhënë maksimumin tonë që me ju asistu në mënyrën më të mirë sa kemi mundësi bujqëve tonë, kështu që Drejtorë me e pasur parasysh me u mundu sa më shumë tek bujqësia me qenë prioritet i jonë në këtë kohë. Nëse raporti është për korrje-shirje dhe i ka të gjitha të dhënat kryesore raporti i plotëson të gjitha kriteret e veta, unë mendojë që ky raport na jep të dhënat kryesore dhe shifrat që të shohim sesi ka shkuar korrje-shirje.

Argjend Thaçi: Urdhëro Labinot Gashi!

Labinot Gashi: E shfrytëzoj rastin me ta uru poziten e Drejtorit ka nis Nisma që me e thy kufinin administrative, sepse gjithomnë ka përfundu në Drenoc. U tha nga parafolësit që raporti është i kopizun por raporti është i specifikum.

Argjend Thaçi: Urdhëro Mirëllinda Gashi!

Mirëllinda Gashi: Dhe unë ja uroj detyrën e re Drejtorit ndërsa pyetja ime për drejtorin është a mundesh me e bë një dallim me vitet e kaluara se sa është punuar toka dhe sa ka arrit këtë vit të punohet. Është mirë që të punohet toka, sepse dhe rriqna nuk do të ketë.

Argjend Thaçi: Urdhëro, Drejtor!

Sylë Dukolli: Na kemi biseduar me Kryetarin që ta shpallim një tender për farë kështu ishte pjesa e buxhetit dhe mbasi është shpallur fituesi është në organet shqyrtuese të prokurorit dhe jemi duke pritur përgjigje se a mundemi ta arrijmë kohën që është e caktuar. Sa i përket dhënies publike së emrave dhe mbiemrave të cilët i fitojnë subvencionet, në disa komuna i kam parë që janë denuar për shkak të publikimit të dhënave për arsye sepse është e ndaluar publikimi i të dhënave për shkak të mbrojtjes së privatësisë.

Argjend Thaçi: Faleminderit Z.Dukolli për këto përgjigje, fjalën e ka Valon Krasniqi!

Valon Krasniqi: Ja uroj Drejtorit poziten dhe e përgëzojë për raportin e konsideroj liderë të lartë të qeverisjes lokale që e ka sjell një person që sado pak po shihet ana e punës dhe një qasje pak më ndryshe në raporte, dhe ka tentu me përshtat me ministër të bujqësis dhe në këtë rast nuk do ti mungojë ana profesionale dhe ana bashkëpunuese me ministrin e Bujqësisë.

Argjend Thaqi: Te kjo pikë e rendit të ditës nuk duhet miratim, nëse jeni të gjithë të pajtimi shkojmë në pauzë dhe vazhdojmë në ora 13:00. Vazhdojmë me pikën e radhës e cila është: Shqyrtimi dhe miratimi I kërkesës nr.01/1608 datë: 19.09.2022, për ridestinimin e mjeteve nga projektet kapitale. Ftojë Drejtorin për buxhet dhe financa z.Blerim Thaqi që ta marrë fjalën.

Blerim Thaqi: Faleminderit Kryesues përshëndetje për të gjithë. Ne këtu kemi sjell një kërkesë për ridestinimin e mjeteve së pari i tregojmë arsyeshmërit për këtë kërkesë. Në komunitetin për politik dhe financa kemi paraqitur kërkesa vetëm prej cilit kod do të merren mjetet dhe në cilin kod do të shkojnë dhe është kërkuar sqarimi se cilat janë ato projekte dhe jo vetëm me kode. Para jush I keni projektet të cilat janë të paraqitura nëse ka nevojë unë do ti lexoj të gjitha nëse jo ju tashmë I keni të gjithë para vetës suaj. Ju kisha kërkuar që të aprovohet kjo kërkesë me arsyetimin e asaj që të bëhet dhe kryerja e obligimeve ndaj operatorëve që kemi.

Argjend Thaqi: Faleminderit Drejtorë, fjalën e ka kërkuar Valon Mazreku.

Valon Mazreku: Këto janë paraqitur disa kërkesa të integrame ku është kërkuar që disa projekte kapitale të ridestinohen për disa projekte të tjera kapitale. Në bazë të asaj që unë kam parë e para është mbulesa e një pjese të obligimeve, e dyta është mbulimi i disa projekteve që janë në buxhet dhe që kur është bërë buxheti është bërë me një kosto tjetër dhe tani kanë disa ndryshime të qmimeve dhe me atë buxhet nuk mund të realizohen duhet të iniciohen me qmime të tjera. E treta me ju shmangë sado pak suficitit buxhetor që për mua të triat janë të arsyeshme. Ka shumë projekte që janë në procedur por që proceduralisht janë të vonuara pak për arsye të mungesës së alokimit kjo i paraprinë dhe vendimi i kryetarit dhe procedura e prokurorimit, pamundësia dhe koha për me u shpenzu këto mjete na kanë sjellë në këtë pikë që një pjesë të tyre të shfrytëzohen për projekte të cilat mund të përfundohen mbrenda këti viti fiskal. Kjo e lehtëson dhe buxhetin e vitit të ardhshëm, kryerja e obligimeve në këtë vit është një mundësi më e madhe për vitin e ardhshëm që projektet të mos pengohen për shkak të obligimeve të vitit të kaluar por të vazhdohen ashtu siç janë të buxhetuara. Një e mirë tjetër është se nëse ndokush e keni parë raportin 6 mujor të shtetit kapitali është i shfrytëzuar 11% pra niveli qëndror i ka shfrytëzu 11% dhe për këta 3 mujë tjerë ka mundur të i shfrytëzoj dhe 11% të tjera që i bjen 22% në përgjithësi, shumë prej 700.000.00E me i llogarit për kokë të banorit sipas statistikave i bjen afër 500E mangu në kuletën e qytetarit për shkak të mos shfrytëzimit të buxhetit. Kjo është arsyeja që ne Drejtor e kemi përkrahë që të bëhen këto ridestinime, të kompletohen projektet, të shlyhen obligimet.

Argjend Thaqi: Urdhëro, Nebih!

Nebih Bibaj: I nderuari Drejtor sa i përket ridestinitimit të mjeteve unë sa i pashë janë kryerje të obligimeve dhe mos kalimi në suficid, ku ishin më heret këto projekte përse nuk kanë ardhur në seancat e më hershme, sepse t'i i ke parë që këto mjete janë të rrezikuara dhe projektet nuk janë duke u realizuar. Dhe kisha dashur të di sa prej këtyre projekteve janë duke u realizu në teren, a janë të planifikuara apo a janë duke u përfunduar në teren dhe shumica e këtyre projekteve nuk e

di a janë të kontraktume por këto mjete ti po kërkon që përmes këtyre kodeve buxhetore të barten në projekte të cilat kanë me u realizu dhe këto projekte të cilat nuk janë të kontraktume dhe t'i po kërkon që të tërhiqet buxheti prej një kodi në kode tjera si kryhet pagesa përderisa nuk kanë kontrat? Sa % e buxhetit është realizu, dhe ato projekte të cilat nuk gjejnë realizim sepse tashmë jemi afër muajit tetorë dhe një muaj veq përfundojnë, qka do të bëhet me ato projekte? Siç dihet në projekt-buxhetin e këtij viti të cilën ju e keni parapa me theks të veçantë që është i vitit 2023 shumica e këtyre projekteve nuk figurojnë në projekt buxhet, atëherë a do të mbesin në stagnum ato projekte të pa realizuara apo qfarë do të bëhet me ato projekte?

Argjend Thaçi: Urdhëro, Veton Zogaj!

Veton Zogaj: Në mbledhjen e KPF-së ka pasur vetëm kode dhe nuk ka pasur emra të këtyre projekteve se ku do të realizohen këto mjete. E kuptojë drejtë kërkesën e drejtorisë për financa që po e bënë këtë ridestininim që të i ikë suficitit buxhetor në fundë vit, mirëpo nuk po mundem me e kuptu pse janë disa projekte që kërkohej të ju tërheken mjetet ndërsa figurojnë në projekt-buxhetin e vitit 2023. Ka disa projekte të cilat janë të përfunduara siç është projekti i muzeut të pajtimit të gjakeve në fshatin Bubavec që të gjithë e dimë që ka përfunduar dhe i është prerë shiriti për hapje, ndërsa këtu po kërkohet të ju tërheken mjetet dhe në të njëjtën kohë po kërkohej mjete shtesë për me u realizu në vitin 2023. Po ashtu projektet për rregullimin e ujës-jellësve në fshatrat Tërpezë, Bellanicë, Pagarushë dhe disa fshatra të tjera si dhe tash po kërkon me i tërhek mjetet me i ridestinu në projekte të tjera dhe në anën tjetër keni vendosur projekte të reja në projekt-buxhetin për vitin 2023. Dhe dua të di çka po ndodhë me ndërtimin e tribunës veriore na kemi ridestinu mjete për këtë projekt dhe prap është në projekt-buxhetin e vitit 2023 që kërkohej mjete shtesë për realizimin e këtij projekti por në anën tjetër ne ja kemi dhënë klubit në shfrytëzim për 15 vite, realisht është ndesh me ligjim sepse na e kemi bartë klubit si pronësi për shfrytëzim të saj dhe na me i dhënë mjetet tona për një pronë që është 15 vite që mund ta quajmë kushtimisht pronë private e klubit.

Argjend Thaçi: Urdhëro, Burim!

Burim Paqarizi: Përshëndetje për të gjithë!

Një pyetje për Drejtorin të ndërtimit të rrugës anësore të Lumi Mirusha në Malishevë shuma prej 154.000E të ridestinohej për rregullimin e rrugës "Ibrahim Mazreku" në Malishevë. Gjendjen e këtyre shetitoreve e dimë të gjithë kemi fillu me bërë diçka i kemi vendosur disa anësore dhe ka mbetë ashtu që nuk është e kalueshme as në ecje. Dëshirojë të di se si mundemi me i ridestinu kur nuk kemi ende një kontratë të nënshkruar për rregullimin e rrugës "Ibrahim Mazreku" dhe a janë të parapara me përfundim mbrenda këtij viti?

Argjend Thaçi: Urdhëro, Valjetë Hoti!

Valjetë Hoti: Tek kjo kërkesa për ridestininimin e mjeteve janë dy projekte ku i njëjti projekt është i paraqitur dy here është ndërtimi i palestrës sportive në shkollën e mesme "Lasgush Poradeci" në Kijevë shuma prej 40.000E të ridestinohej në projektin ndërtimi i Garazhdave të automjeteve

të QKMF-së, prapë është i njëjti projekt mirëpo në këtë rast është shuma prej 30.000E ku ridestinohet në projektin renovim i jashtëm dhe i pullazit të objektit të QKMF-së pra është i përsëritur i njëjti projekt.

Argjend Thaçi: Urdhëro, Labinot Gashi!

Labinot Gashi: Deshta me u lidhë me atë që tha kolegja pasi që jam professor i asaj shkolle është mirë që kur të bëhet ridestinimi i mjeteve secili prej tyre të ketë arsyeshmërin, prapë tërhiqen mjetet nga një projekt që është i bartur që tri vite ku janë afër 400 nxënës dhe po i jep përparësi projektit tjetër psh. Ndërtimi i garazhdave, a më e rëndësishme është ndërtimi i palestrës në një shkollë apo ndërtimi i garazhdave në QKMF. Disa projekte të rrugicave unë i shoh që janë tërealizuara por këtu prapë po kërkohen ridestinim mjetesh për ato.

Argjend Thaçi: Faleminderit Labinot, kërkuj nga Drejtori tu përgjigjet pyetjeve të anëtarëve të Kuvendit!

Blerim Thaqi: Faleminderit Kryesues, vetë fakti që kanë qenë të kontraktume dhe punimet kanë përfunduar jemi në obligim për ato rrugë dhe pikërisht ridestinimi shkonë për ato punime që kanë përfunduar. Tek qështja e bartjes së mjeteve të palestrës sportive për shkak të procedurave që nuk mund të zhvillohen nga vendimi i projektit të palestrës sportive në shkollën “Lasgush Poradeci” i kemi destinuar për projekte që janë në realizim dhe që do të përfundohen. Janë të ridestinuara nga dy kode është fjala nga të hyrat vetanake dhe landës specifike, janë prej të njëjtit projekt por ne duhet me i specifikuar prej cilës vijë. Tek qështja se a janë të gjitha këto projekte të kontraktume, mbi 90% të projekteve janë të kontraktume dhe janë duke vazhduar punimet, përjashtim vetëm procedurat që kemi menduar që do të përfundojnë në fund të javës kontrata e rrugës “Ibrahim Mazreku” dhe sipas planit dinamik të paraqitur nga Urbanizmi është dashur të sigurohen mjete që të realizohet ky projekt për vitin 2022 dhe të mbyllet kontrata në vitin 2023 si tërësi.

Nebih Bibaj: Trotuarët që janë ende nuk kanë filluar a i ki kontratat?

Blerim Thaqi: Janë dhe 300.000E që do të realizohen në pjesën e shtrimit të këtyre trotuarëve, gjithashtu dhe rrugët e tjera nuk kanë përfunduar të gjitha por kemi rrugë që kanë përfunduar dhe në pjesën e Kijevës, Bellanicë, Banjë për të cilat duhet të kryhen obligimet. Procedurat e lapidarëve disa kanë përfunduar dhe disa kanë filluar por nuk mundemi të i shpenzojmë të gjitha dhe është menduar të ridestinohen për realizimin e projekteve të tjera. Muzeu është përfunduar me një buxhet tjetër jo nga Malisheva. Sa përqind është realizuar buxheti?

Tashmë na e kemi dhe raportin që do ta prezantojmë në fund të shtatorit por një analizë i kemi bërë në aspektin e përgjithshëm ka fundi i korrikut buxheti i shpenzimit ka qenë afër 64%, afër 30% të shpenzimeve kapitale janë shpenzuar mjetet shpresojmë që në muajin shtator do të jetë një shpenzim i kënaqshëm megjithëse kemi dhe tre muaj që të kryhen shpenzimet. Tek qështja e ujësjellsit që e cekim Vetoni, dhe këtu nuk kemi pasur mundësi të fillojmë procedurat për realizimin e atyre investimeve dhe kemi paraparë që të jetë një investim i përgjithshëm i

ujësjellsit në nivel Komunal në vitin 2023, dhe të futen brenda një projekti të përbashkët për realizimin e ujësjellsit nëpër fshatra. Projekti i stadiumit është investu dhe është duke vazhdu me u investu dhe duhet të ridestinohe mjetet për realizimin e punimeve që përfundohen në stadium. Stadium i qytetit i është dhënë në shfrytëzim dhe nuk i është dhënë me u bërë pronar klubi, për këtë arsye nga Komuna do të fillojnë ndarjen e investimeve për ti ju mundësu kushte më të mira për aktivitet sportive.

Projekti rreth Lumit që e ceku kolegu pse nuk është realizuar, aty kemi probleme pronësore dhe nuk ka mundur të përfundojë projekti për këtë arsye janë ndalë punimet dhe mjetet që kanë mbetur pa shfrytëzu i kemi ridestinu në pjesën e rrugës “ Ibrahim Mazreku” do të fillojnëpunimet shumë shpejtë dhe do të realizohet pjesa siç është e parapame në planin për vitin 2022.

Argjend Thaçi: Faleminderit Drejtor, urdhëro Valon Krasniqi!

Valon Krasniqi: Po kërkoj një sqarim nga Drejtori i Urbanizmit, a ke informacione se cilat rrugë para 5 ditësh kanë përfundu në fshatin Bardhë? Për arsye se këtu është e cekur rruga “Rifat Bellani” që duhet bartur mjete për këtë rrugë, por kjo rrugë tashmë është e përfunduar.

Drejtor janë dhe disa rrugë të tjera të cilat nuk janë të përfshira këtu faktikisht ato kanë qenë prej legjislaturës së kaluar, a kanë përfunduar, apo janë në process sepse nisur nga fshati prej nga vi unë janë 5-6 rrugë të cilat janë bartë, 2 paskan përfunduar mirëpo për 4 rrugë të tjera nuk po shohë ndonjë të dhënë qfarë po ndodhë me ato rrugë.

Te qështja e shtrimit të trotuarëve përse nuk figuron fare rruga “Afrim Krasniqi” kanë qenë 550m trotuar, në aspektin ligjor duhet të përfundonte në vitin 2020, jemi në vitin 2022 ne ende nuk kemi përgjigjie se kur do të fillojnë këto punime.

Drejtori i Urbanizimit është duke bërë politik me taksa të qytetarëve po ashtu me projekte që i takojnë legjislaturës së kaluar të z.Ragip Begaj.

Argjend Thaçi: Faleminderit Valon, urdhëro Mirëllinda Gashi!

Mirëllinda Gashi: Unë jam e pajtimit që te disa projekte të barten te disa pika, por te disa pika nuk jam e pajtimit, sepse në këtë rast nuk po fiton qytetari por po është humbës, kështu që të kemi kujdes se çka po votojmë. Unë kam dëshirë që këto pika të shkojnë në votim një nga një.

Argjend Thaçi: Faleminderit Mirëllinda Gashi, urdhëro Drejtor!

Blerim Thaqi: Ne nuk mund ta votojm një nga një, sepse nuk e dim se sa është borgji. Projektet që janë prezantu para jush një pjesë e tyre nuk do të realizohen për shkak të procedurave të prokurorimit që kanë stagnu dhe për arsye se alokimi i mjeteve ka qenë me vonesë. E përmendi dhe Nebihi që kemi projekte të 2019, arsyeja është sepse kemi votuar buxhet të kontraktuar dyfish jashtë koston së buxhetit me të cilin kanë pasur që të përfundohen ato projekte.

Argjend Thaçi: Urdhëro, Nebih!

Nebih Bibaj: Në mars e keni votuar një projekt-buxhet ju, sa përqind e ati projekt-buxheti është realizu në teren?

Një rrugë ku unë jetoj është 300m dhe nga vitit 2017 është në projekt-buxhet dhe ende është e parealizuar. Është në projekt buxhet për këtë vit dhe thojnë që nuk mund të realizohet deri në vitin 2024. Kjo me të vërtetë është shqetësuese.

Trotuari i lagjes Balaj 4 vite ka qenë në projekt buxhet dhe nuk ka gjetur realizim. Më mirë të merresh me projektet që nuk kanë mundur të gjejnë realizim, sepse irritohet qytetari dhe të gjithë ju keni me pas problemin direkt, sepse ju jeni ekzekutivi, ne mundemi vetëm të ju asistojmë vetëm për arsye të suficitit. Bëhu më i qartë dhe do ta kesh gjithmonë bashkëpunimin tonë.

Argjend Thaçi: Urdhëro, Nënkrjetar!

Vesel Krasniqi: Faleminderit Kryesues, ridestnimi lejohet me ligj, rishikimi i buxhetit që zakonisht bëhet në Qershor, Qeveria qendrore nuk na ka lejuar që ta bëjmë. Buxheti në Mars është votuar, në Maj është aloku dhe gjysma e vitit veq ka përfunduar. Pra, të gjitha këto kanë ndiku që ne të kërkojmë një ridestnim të mjeteve që na lejon ligji, të gjitha këto projekte që po i cekum se nga mi marr dhe kujt me ja destinu janë të votuara, nuk ka ndonjë projekt të ri që po kërkojmë me mbulu me mjete.

U përmend ngritja e qmimeve një prej faktorëve, alokimi me vonesë, procedurat në ASHP të gjitha nga këto ne po pajtohemi që mos ta lejojmë që të shkojnë në suficit. Ky ridestnim pa bindje politike është për qytetarët e Komunës së Malishevës, jemi në një situatë të vështirë ekonomike si vend në nivel qendror ka dështu shfrytëzimi i buxhetit sidomos te kategoria e investimeve kapitale, dhe sigurisht ka pasur impakt dhe te nivelet lokale. Në tribuna ju kemi borxh besoj që me kalimin e kohës do ta kalojmë dhe ato borxhe që ju kemi mbetur ndokujt. U përmend Muzeu në Bubavec, për të cilin ka financuar agjensioni dhe ato mjete kërkojmë me i ridestinu në projekte të cilat mendojmë që mund të përfundojnë këtë vit. Ambulanca ka ecur më shumë sesa ne kemi planifikuar për këtë vit i kemi pasur të alokume 155.000E dhe operatori ekonomik ka avancu është nënshkruar kontrata dhe mundet me përfunduar më shumë, ne i kemi zvoglu mjetet, sepse llogarisim që të shpenzohen më shumë këtë vit.

Te rrugët kur pyeten se pse nuk kanë përfunduar ato rrugë por prapë figuron në ridestnim, projekti si emërtim nuk mundet me u ndryshu nuk mundemi të i tërhekim disa rrugë por duhet të jetë në plotëni.

Afër 65% e buxhetit është shpenzu deri në fund të korrikut dhe sa projekte kanë përfunduar është një pyetje tjetër sepse duhet të bëhet një pasqyr dhe kur do që dëshironi mundemi me e brëë dhe me ju sjellë.

I cekët trotuarët, ne kemi menduar që operatori ekonomik mundet me i përfunduar, por nuk ka mundur dhe këtë vit nuk ka pasur mjete të ndara mjaftueshëm ne kemi llogarit që të ndahen mjetet për trotuarët të cilët ende janë duke u shtruar besoj që dhe në Lladroc do të përfundojnë të gjitha të cilat janë të kontraktume në fund të këtij viti.

U përmend dhe stadium, ne e kemi dhënë në shfrytëzim por nuk ta ndalon ligji investimin në stadium sepse ai është aset i komunës ne nuk ja kemi falur por vetëm ja kemi dhënë në

shfrytëzim, ky projekt është në fazën e dytë është i pa përfunduar dhe nuk mund ta lëjmë në gjysmë.

E bëtë pyetjen se përse kemi kërku me ju nda mjete të bartura në këtë projekt, për arsye se ka qenë munges e ndarjes së mjeteve në vitin 2021 dhe ne kemi mendu që me të bartura të përfundojë, ky është një projekt i fazës tjetër me mbules, ulëse, nxemje etj.

E cekët që po përsëriten të njejtat projekte dhe në vitin 2023, projektet të cilat janë të miratuara në këtë vit ne kemi kërkuar me i planifiku në vitin e kalum që kemi menduar mjaftueshëm do të përfundojnë për arsye të qështjes kohore. Tani i kemi një mori projektesh në procedurë të kontraktimit, jemi të sigurt që ato nuk mundemi të i përfundojmë këtë vit për këtë arsye kemi kërkuar që të figurojnë shuma solide dhe në vitin 2023 në mënyrë që të përfundojë kontrata. Te shetitorja është një problem për qështje pronësore, kur është bërë projekti është bërë me matje gjeodezie dhe kanë dalë probleme dhe projekti i cili ka qenë i detajuar nuk ka mundur të zbatohet, prandaj ne e kemi ndërprerë kontratën dhe do ta përmisojmë projektin, do ta hetojmë planin dhe do ta shëndrojmë në shetitore. Pra do të bëjmë modifikim të projektit me marrveshje të operatorit ekonomik për arsye të problemeve me prona private.

Rruga "Ibrahim Mazreku" është projekt dy vjeçar 2022-2023, ne kemi menduar që do të fillojë më herët të paktën një muaj por presim në të premten që do të mbahet seanca në organin shqyrtues, sipas kontakteve që kemi me operatorin përtej planifikimeve tona që ne i kemi planifiku 300.000 për këtë vit do të shpenzohen për këtë projekt por ata kanë shprehur gaditshmërinë që të punojnë në dy ndërrime dhe deri në shumë 1.000.000.00E do të jem të gatshëm të shpenzojë deri në fund të vitit, prandaj nëse e vërejmë dhe buxhetin e 2023 ne e kemi zbrit vlerën dhe me ridestitim ne kemi planifiku që afër 1.000.000.00E të shenzohen për këtë projekt, prandaj e kemi zvogëlu vlerën tek viti 2023.

E ceki asambleistja Valjeta, pse po përsëritet projekti tek Garazhdat, janë disa nën projekte të cilat janë të cekura te projekti Garazhdat të cilat janë oborri, rrethojat, dhe është objekti si projekt është një, ne kemi tërhek në draft që e kemi pas pullazin me fasad sepse ai po përfundon këtë vit. Por tek garazhdat është planifiku që të bartet një shumë.

Labinot, Blerimi e tha që është për shkak të projektit, ajo pak na ka shkaktuar puna e pozitës, mjetet të cilat i kemi poseduar nuk kemi mundur ta përfundojmë me 70.000E. Prandaj ne kemi angazhuar operatorët që ta bëjnë një projekt tjetër, që ti përshtatet pozitës dhe është kogja problematike për shkak të hapsirës.

Labinot Gashi: Ne e dimë që ridestitimi është plotësisht i ligjshëm, mirëpo projektet të cilat tërhiqen është shqetësuese, qe tri vite është bartë si projekt, pra nuk është projekt i këtij viti. Konsideroj që është projekt që ja vlenë me u përfundu, mirëpo është shqetësuese për mua që po më kërkohet të tërhiqen mjetet prej atij projekti. Të gjithë qytetarët e dinë që është projekt i buxhetuar qe tri vite, tani po vjen në një situatë që me e tërhek komplet projektin për këtë arsye duhet të bëhet një analiz. Më mire është që këto mjete të dërgohen në projekte që janë më të rëndësishme sesa me i dërgu në projekte të dështuara.

Argjend Thaqi: Faleminderit Labinot, urdhëro Nënkryetar!

Vesël Krasniqi: Është në interes të gjithëve që të shpenzohet sa më mirë buxheti, ti shfrytëzojmë këto mundësi dhe të i ridestinojmë, sepse jemi në një afat të caktuar.

Argjend Thaqi: Faleminderit Nënkryetar, urdhëro Nebih bibaj!

Nebih Bibaj: Palestra në Kijevë mendoj që duhet të jetë në buxhet të vitit 2023-2024, nëse nuk është në planifikim të vitit 2023-2024 me të vërtetë është shqetësuese për atë pjesë.

Vesël Krasniqi: Mundemi me e vendos në projektion të vitit 2024.

Argjend Thaqi: E hedhim në votim shqyrtimi dhe miratimi i kërkesës nr.01/1608 datë: 19.09.2022, për ridestinimin e mjeteve nga projektet kapitale me projektion të vitit 2024. Kush është për?

Me vota unanime aprovohet kjo pikë e rendit të ditës. Kalojmë te pika e radhës Shqyrtimi dhe miratimi i kërkesës nr.04/831 datë: 31.08.2022 për projekt-buxhetin për vitin 2023-2025, me theks të veçant për vitin 2023. Për prezantimin e kësaj pike fjalën e ka Kryetari!

Ekrem Kastrati: Kjo kërkesë e imja ka për qëllim të që ta miratojë buxhetin e vitit 2023-2025 me theks të veçantë për vitin 2023. Ky projekt-buxhet për vitin 2023-2025 është 18,124,837.00E, që krahasuar me vitin e kaluar kemi një buxhet më të lartë. Dua të theksoj që ky buxhet ka për qëllim përfshirjen e të gjitha interesave të qytetarëve të komunës së Malishevës me fokus të veçantë në zhvillimin ekonomik. Kur jemi te ky projekt-buxhet dua të përmendi dhe faktin që për vitin 2023 kemi të aprovuar 20 vende të reja të punës që të angazhohen në qerdhet e reja si dhe në sektorin e shëndetësisë dhe arsimit që do të thotë 58 vende të reja të punës. Po ashtu ky projekt-buxhet ka të bëjë me fushën e arsimit që programe për arsim janë 8,046,916.29, pastaj programi për shëndetësi e buxhetit është 2,578,757.48. Ju e dini që projekt-buxheti i komunës sonë ka shkuar 80% nëpër fshatra apo në pjesën rurale kurse në qendër nuk kemi investuar me thënë shumë pak, prandaj ne dëshirojmë që buxheti i ardhshëm të jetë një buxhetim inkurajues që e nxitë zhvillimin e Malishevës dhe ja ndryshon imazhin e komunës sonë. Tashmë e kemi përmbyllur projektin e rrugës "Ibrahim Mazreku", ju do të thirreni në një seancë të jashtëzakonshme besoj në javën e ardhshme dhe do ta shihni projektin. Shpresoj që projekti ynë do të realizohet ashtu siç ne po dëshirojmë. Idetë e juaja janë të mirëseardhura si për projekt-buxhet ashtu dhe për pikat tjera që i cekëm.

Argjend Thaqi: Urdhëro, Hali!

Halil Morina: Përsëritet për të gjithë!

Këtu po e shohim një ndryshim krahasuar me mandatet e tjera. Në mandatet e kaluara ne jemi fokusuar shumë në investime të cilat janë në fshatrat tona, tani kemi kaluar në një nivel tjetër. Përqendrimin e buxhetit e kemi bërë në qytetin tonë, ndërsa në fshatra e kemi bërë një kontrast për mirëmbajtje vetëm për investimet që i kemi bërë deri tani. Nëse e shohim rrugën "Ibrahim Mazreku" zgjerimi dhe rregullimi i kësaj rruge përveç që ja shton dimensionin estetik qytetit ajo krijon dhe lehtësi të mëdha. Pra, ky është një investim për qytetarët e komunës së Malishevës.

Në mmomentin që jetësohen këto projekte të hyrat tona do të rriten. E mira e këti buxheti është edhe rritja e numrit të punësuarve në arsim dhe shëndetësi, të gjithë e dimë se sa ka nevojë komuna jonë për personel në shëndetësi dhe në arsim. Dhe një vërejtje që e dhanë në fillim është mirë që herave të tjera të bashkëpunoni me të gjithë asambleistët nuk besoj që e keni shmangur bashkëpunimin vetëm për arsye se këta janë opozit, por nganjëherë neglizhenca, por është mirë që herave të tjera të mos përsëriten këto gjëra sepse secili nga ne në mënyrën e vet mundohemi me e bërë më të mirën për qytetin tonë.

Argjend Thaqi: Urdhëro, Drejtor!

Blerim Thaqi: Dua ta japë një sqarim që në si qeveri komunale e kemi bërë përgaditjen konformë anës ligjore për hartimin e projekt-buxhetit. E përmendët që projekt-buxheti është dashur të dorëzohet me 30.08.2022 në kuvend. Por neve në fund të gushtit na ka ardhur qarkorja e dytë dhe ne kemi filluar me dëgjime publike pa na ardhur ende qarkorja e dytë. Kemi përgadit buxhetin e kemi dorëzuar në komitet, pastaj komiteti në Kuvend. Në kuadër të kësaj më vonë kemi pasur kërkesa nga qytetarët, komiteti, dhe nga aktet e tjerë që të plotësohen disa kërkesa në projekt-buxhetin që e kemi dorëzuar tani tek ju. Kërkoj nga kryesuesi që të hudhen në votin kjo pjesë me ndryshime, Kërkes për disa ndryshime është në kodin 51244 të tërheket vlera prej 100.000.00E dhe të bartet për projektet e asfaltimit të rrugëve nëpër fshatra. Në projektin 51055E të tërheket vlera prej 200.000.00E dhe të bartet në projektin asfaltimin e rrugëve nëpër fshatra prap. Në projektin 51771 të tërheket vlera prej 50.000.00E të bartet tek projekt kodin 51769, nga projekt kodin 51771 të tërheket vlera prej 200.000.00E dhe të bartet tek projekti asfaltimi i rrugëve nëpër fshatra, kryesisht janë dhe emërtimet e rrugëve por do ti fusim në buxhet për cilat rrugë dhe cilat fshatra bëhet fjalë. Nga projekti 51771 të tërheket vlera 100.000.00E dhe të bartet tek projekti i ri rruga “Hamdi Berisha” projekti i stadiumit dhe oborri i qendres sportive. Nga projekti 51792 të tërheket komplet projekti në vlerë prej 100.000.00E dhe të bartet në projekt kodin 51793. Nga projekt kodin 51807 të tërheket vlera prej 5000E dhe të bartet në projekt kodin 51806. Nga projekt kodin 51805 të tërheket vlera prej 15.000.00E dhe të bartet në projekt kodin 51808. Nga projekt kodin 51771 të tërheket vlera prej 50.000.00E dhe të bartet në projekt kodin e rregullimit të oborrit të shkollës fillore në Astrazup. Nga projekt kodin 50724 të tërheket vlera prej 30.000.00E të bartet në projekt kodin e rregullimit të lapidarëve nëpër fshatra. Dhe po e fusim kërkesen që si projektion të hyjë dhe salla sportive e shkollës së mesme “ Lasgush Poradeci” në Kijevë. Rrugët të cilat i përmenda në këto projekte janë: Fshati Ngucat 630m, Kravasari 770m, Llapqevë 550m, Mirushë 330m, Turjakë 800m, Astrazup 850m, Rud 700m, Panorçë 650m, Pagarushë 900m, Tërpezë e poshtme 1100m, Shkarashnik 500m, Lubizhdë 600m, Banjë 1000m, Gajrak 640m, Gurisht 700m, Carrallukë 400m, Gurbardhë 600m, Burim 500m, Dragobil 400m, Lladroc 200m, Gullubovc 170m.

Argjend Thaqi: Urdhëro, Nebih!

Nebih Bibaj: Jemi pro që qendra të rregullohet, sepse ka mbetur shumë keq por prap dyshimet tonë janë që nuk përfundojnë me këto mjete financiare. Po frigohemi që e fusim qytetin në një

katrahur që nuk mundemi me dal për arsye që ti fillon investimet dhe nuk ki mjete të mjaftueshme me i përfundu dhe mbet qyteti ashtu. Do ishte mirë që me shiku ndonjë burim nga qeveria apo nga ndonjë organizatë ndërkombëtare me pas donacione që me e vazhdu projektin deri në fund. Kryetari e tha që tani kemi me ju ftuar juve që me e pa se si është projekti këtu në projektor, nuk e di ku është problemi sepse është dashur me u thirr të gjitha subjektet dhe gjithë akterët e mundshëm para se të nënshkruhet kontrata ta dimë se qka ka me u punu në atë drejtim. Dhe sa i përket buxhetit unë mendoj që është dashur të i ndjek disa hapa. KPF-ja është dashur të dal nëpër fshatra dhe t'i mbajnë dëgjimet publike, siç i ka hije dhe siç kanë bërë komunat e tjera. Nënkryetari tha që është projekt 3vjeçar, mos po mbesim keq te kanalizimet dhe te rregullimet e trotuarëve.

Te pjesa e projekt buxhetit të vitit 2022 e cekët që 66% e buxhetit është shpenzu, por nuk dihen cilat projekte janë realizu. Unë besoj që kolegët nga KPF-ja kanë kërku që të vjen një raport i detajuar siç kemi kërkuar çdo miratim të buxhetit. Cilat projekte janë në realizim dhe cilat kanë përfundu që mos të përsëriten çdo herë të njëjtat projekte. Unë shpresoj që ky projekt ka me gjetë zbatueshmëri. Te bujqësia dhe te arsimi, prapë kisha pas dëshirë që me u rrit kodet buxhetore sepse me të vërtet ka nevoj.ë

Argjend Thaçi: Urdhëro, Kryetar!

Ekrem Kastrati: Projekti i sheshit është projekt ideor, jo projekt përfundimtar. Projektin e sheshit e ka fitu kompania e cila e ka bërë projektin ideor që e ka seleksionu komisioni. Kur të nënshkruhet kontrata e projektit ideor vazhdojmë me projektin e përgjithshëm me statik dhe me shumë e përgjithshme se sa ai projekt kushton. Tani për tani ne nuk e dimë se sa kushton rregullimi i sheshit, sepse kompania e ka vetëm projektin ideor dhe ju keni me i dhënë vërejtjet e juaja. Javën që të vjen do ju vie një ftesë për mbledhje të jashtëzakonshme që ta shihni projektin ideor. Te rruga "Ibrahim Mazreku" Drejtoria e Gjeodezis dhe Kadaster i ka identifikuar të gjitha pronat publike të cilat janë të ozurpume për rreth asaj rruge dhe ju ka dhënë nga një shkres që tregohet se i ke uzurpu 2m katror dhe nëse nuk ke dokumentacion shtesë atëherë nuk ke të drejtë ankimi.

Argjend Thaçi: Faleminderit Kryetar, fjalën e ka Valon Krasniqi!

Valon Krasniqi: Përshëndetje për të gjithë!

Kryetar, së pari po ju jap kritikën, vërejtjet dhe në fund propozimet. Ne është dashur të punojmë të gjithë së bashku pozitivisht dhe opozitivisht në këtë vendim kaq të rëndësishëm, por kush është penguesi më i madh, rreth qështjes më të madhe që sot po e diskutojmë në këtë seancë pra për buxhetin e komunës së Malishevës në tërësi për vitin 2023-2025. Për hir të llogaridhënies dhe opinionit publik më duhet të theksoj që penguesit më të mëdhenjë ngelen pikërisht ata individ të cilët përpilojnë buxhet në fund fare nuk është përgjegjësi e tyre ligjore miratimi dhe vërtetimi final për buxhetin. Buxhetin e komunës nuk e miraton as kryetari i komunës, as drejtorët dhe as nën kryetari, buxhetin e miraton organi më i lartë institucional komunal, pra kuvendi. Sot në këtë seancë ne para vetës kemi një buxhet të servuar njëanshëm me plotë mangësi, dhe e kemi një

buxhet ku nëpër fshatra parashihen 0 buxhet. Sot tregohet qartë që dëgjimet publike dhe kërkesat e shumicës së kryetarëve të fshatrave janë injoruar totalisht dhe kjo krejt si pasojë e një keq qeverisje të vazhdueshme. Ky buxhet do të duhej të vinte i hamonizuar me kërkesat e qytetarëve të shumicës së fshatrave dhe jo i gjysmuar. Ky buxhet do të duhej të vinte i plotësuar për ta miratuar me vullnet, solenmisht dhe unanimisht. Dhe të gjitha këto do të ndodhnin aq thjeshtë të punonit sinqerisht dhe bashkarisht. Ju Kryetar apo ju zyrtarë të cilët bëni të tilla sërvimesh mund të ju duket roli i asambleistave një rol jo i rëndësishëm dhe tentoni të i përdorni si vegla ditore, ta dini ju që roli i çdo asambleisti komunal është aq fisnik dhe aq me dinjitet dhe vendimarrje sa që ju nuk e imagjinoni. Andaj boll më me këtë injorancë dhe me këtë mos seriozitet për asamblen komunale, sepse ne jemi të zgjedhurit e qytetarëve për të përpiluar, orientuar, miratuar buxhet dhe jo dikush tjetër nga jashtë.

Uroj që në një të ardhme të ketë grupe punuese nga kuvendi, ku mund të kenë qasje para akteve të përfunduara. Duke e ditur faktin që është aq e vështirë të kalohet ndonjë kërkesë me këtë mentalitet qeverisës, kam disa kërkesa si përfaqësues i qytetarëve që në numër nuk janë të shumta sepse jemi të vetëdijshëm që vështirë janë të kalueshme andaj nuk preferoj që në këto pika kaq esencile të bëjë politikë.

Propozimet e mia janë që në fshatin Dragobil parkingu i shkollës “Emin Duraku” të hyjë në këtë projekt buxhet, në fshatin Balincë ndriqimi publik rruga “Martirët e Kelmendëve”, në fshatin Bardhë vendosja e gypave dhe rregullimi i rrjetit të kanalizimeve dhe ujravve të zeza në rrugën “Ahmet Krasniqi”, po ashtu asfaltimi i rrugëve 750m dhe ndriqimi publik në rrugën “Ahmet Krasniqi” dhe rruga “Berat Berisha”.

E dëgjova me vëmendje kryetarin që tha kësaj radhe buxheti do të fokusohet më shumë në qytezë dhe unë pajtohna me këtë dhe propozoj që në parkun e qytetit apo në sheshin e qytetit të vendoset shtatorja e presidentit historik Dr. Ibrahim Rugova. Unë si përfaqësues i qytetarëve kam të drejtë të i bëjë këto propozime.

Argjend Thaqi: Veton Zogaj e ka kërkuar fjalën!

Veton Zogaj: Nëse e bëjmë një analiz nga vitet e kaluara Komuna e Malishevës nuk ka pasur asnjëherë një ngritje kaq të madhe të buxhetit. Më gëzon fakti që për arsye të reformës në administratë dhe reformës në ekonomi hapat që i ka marrë niveli qendror ka bërë që të ngritet dhe numri i puntorëve në sektorin publik në Komunën e Malishevës, dhe në QKMF-ë është rritur, po ashtu dhe kategoria për subvencione. Sa i përket buxhetit një nga fjalimet e mia të parat që ka qenë në kuvend është draftimi i buxhetit në vitin 2022 dhe atëherë Kryetari, Nën Kryetari dhe Drejtori i Financave u patën zotu publikisht që draftimin e buxhetit për vitin 2023 do ta bëjnë së bashku me opoziten, unë e kuptoj që qeverisja e drafton dhe e konsulton pastaj me aktet e tjerë mirëpo nuk është bërë kjo. Ne ju kemi thënë e keni mbështetjen tonë aq sa jeni bashkëpunues me ne, por jemi refuzues ndaj kërkesave të juaja në këtë rast për buxhetin për aq kohë që ju i mbyllni këto linja komunikimi.

Çka kam parë në buxhet po ndalem te investimet kapitale është një koncentrim i madh në qendrën e qytetit, afër 80% e buxhetit është në qendër, por është gabim të injorohen fshatrat dhe

të lihen pas dore një vit kalendarik dhe rrezikon me qenë dhe viti 2024 pa investime kapitale në këto fshatra. Po ashtu janë disa fshatra që janë të parapara në projekt-buxhet, por janë rrugë shumë të shkurtëra me 200m, 100m.

Dyshoj shumë në realizimin e këtyre dy projekteve madhore që po i quan qeverisja, sepse e ka dhënë shembullin e projektit madhorë rreth lumit Mirusha që ka mbetur në gjysmë dhe prapë po kërkohen mjete për rregullimin e këtij projekti dhe në anën tjetër nuk e dimë se qfarë ka ndodhur me 700.000.00E që kanë qenë për këtë projekt.

Projekti për rregullimin e rrugës “Ibrahim Mazreku” në qendër të qytetit një diskutim që e kam pasur me Kryetarin realisht na pajtohum që kjo rrugë donë tretman dhe donë që një herë e përgjithmonë me u rregullu dhe me e zgjedhë problemin e fluskut të madh të qytetarëve. Është dashur të bëhet një plan për menaxhimin e kolonave dhe fluskut të madh të qytetarëve se nga kanë me frekuentu qytetin nëse këto rrugën kanë me qenë më shumë se dy vite të mbyllura për qytetarët. E kemi një mini tranzit nga lagjia Hoti që del në lagjen Mirdita dhe te shkolla e Kompetencës, i cili nuk e plotëson kriterin minimal me përballu këtë fluskë të madh të qytetarëve. Kryetar, paraprakisht është dashur para se me e sjellë projektin me na tregu zgjidhjen të cilën e keni parapa për qarkullimin e qytetarëve gjatë kësaj kohe që janë duke punuar në rrugën “Ibrahim Mazreku”. Po ashtu projekti i dytë madhor që po e paraqet qeverisja komunale është rirregullimi i parkut të qytetit, uroj të bëhet projekt siç i ka hije, mirëpo dyshoj shumë se me këtë shumë e cila është parapame 800.000.00E vetëm kemi me bërë germazh këtu dhe nuk do të mundemi të bëjmë këtë projekt që është paraparë. Uroj që të bëhen mirë këto planifikime dhe mos me pas probleme.

Argjend Thaçi: Faleminderit! Fjalën e ka Burim Paqarizi!

Burim Paqarizi: Për këtë dy projekte kaq të mëdha për Komunën e Malishevës ne nuk e kemi parë asnjë detyrë projektuese, sepse zakonisht detyrat projektuese kalojnë nga komuna ose ai që e jep detyrën projektuese e dimë çka ka me ndodhë me projektimin ose me fazën e projektimit. Në fazën e parë të projektimit është dashur të dimë a do të kemi parkim nëntokësor në pjesën e sheshit të qytetit apo nuk do të kemi. Te pjesa parkimi nëntokësorë nëse vetëm ekziston si parking nëntokësor, a është bërë një plan i mirëfillt për mirëmbajtje të këtij parkingu, a e dimë sa e ka koston një mirëmbajtje e parkimit nëntokësor ?

Aty duhet me pas dhe klimatizim dhe ajrosje dhe duhet punëtorë me e mirëmbajtë këtë dhe ne si komunë e Malishevës nuk mundemi me ja dalë, sepse është kosto e latë. Pjesa e tjetër e rëndësishme është që parku ka disa drunjë që i ka mbi 20 vite, si ka me funksionu kjo është mirë që ne ta shohim. Kur vjen puna te prezantimi është vonë që ne të japim ide dhe mendime. Është mirë që me i shiku disa detaje se a ja vlen me bërë parking nëntokësor apo nuk ja vlenë, me bërë një plan të mirë të fizibilitetit dhe me shiqu se çka na nevojitet më shumë neve si Komunë e Malishevës.

Te pjesa e qytetit Kryetari e ceku një detaj që tha ju kemi dërgu disa shkresa bizneseve të cilat e dimë që ato biznese janë themeluara në vitin 2000-2001, disa kanë fleta poseduese disa nuk kanë dhe disa kanë marrë legalizim janë pjesë dhe hapësira të legalizimit. Nëse ndodh i njëjti rast si te

Lumi dhe te shetitorja që për shkak të kallzimeve penale ju kanë ndërprë një projekt madhor, nëse ndalen dhe punimet për qendrën e qytetit atëher ku po mbesim ne në një katrahur të madhe. Për këtë arsye është mirë që të na jepet një shpjegim më i mirë se si kanë me u zhvillu këto projekte.

Argjend Thaçi: Urdhëro, Arlind!

Arlind Morina: Përshëndetje për të gjithë!

Buxheti është pika më e rëndësishme e jona si anëtarë të kuvendit që do të përballemi këtë vit. Të gjithë kemi mendime të ndryshme dhe në fund duhet të harmonizohum dhe ta votojmë buxhetin. Kjo pikë është një lidhje e ngushtë për asamble dhe qytetarë, ne e dimë që kërkesat nga qytetarët janë shumë të mëdhaja por kapaciteti i buxhetit është shumë i vogël që të realizohen të gjitha. Kërkoj ndaj kolegëve që të bëhemi bashkë dhe ta votojmë buxhetin, në emër të grupit të LDK-së ne e mbështesim projekt-buxhetin dhe me ndryshimet që janë propozuar nga Drejtori për Financa.

Argjend Thaçi: Urdhëro, Alban!

Alban Kastrati: Si Parti Demokratike ne që në fillim kemi thënë që nuk do të jemi opozitë destruktive, por do të jemi opozitë konstruktive dhe do të ju ndihmojmë, do ju japim mbështetje aty ku është interesi i qytetarit.

Draft buxhetin të cilin e pamë jo vetëm ne si PDK, por të gjithë si parti opozitare jemi injoruar për arsye se as nuk jemi pytur dhe as nuk keni kërkuar ndonjë mendim nga ne. Te rasti i projekt-buxhetit i keni injorë qytetarët në mënyrë të skajshme, vetëm dy raste po i ceki kur shefi juaj, sepse ju e keni një shef të përbashkët dhe ati i raportoni gjatë fushatës z.Limaj e ka çekur që aty ku ka shkelur këmba e ushtarit duhet të asfaltohet çdo rrugë, është fjala për fshatin Gajrak. Unë po të bëjë thirrje Kryetar dhe ty Nënkyetar pas kësaj seance të shkojmë së bashku dhe ta shikojmë gjendjen në Gajrak. Z.Lima e ka çekë që fshati Damanek është Shqipëria e vogël për arsye se e ka simbolizë flamurin dhe duhet të ketë një përkujdesje të veçantë, shikone a figuron në buxhet fshati Damanek. Kështu që unë kisha kërkuar me qenë pak më serioz mos me injorë. Prapë po them që propozimet tona të i merrni parasysh, sepse nuk janë të këqia por janë të mira.

Argjend Thaçi: Alban t'i mundesh me e dhënë mendimin tënd rreth projekt-buxhetit, por sa i përket shefave secili subjekt politik ka shefin e vetë. Fjalën për projekt-buxhet e ka kërkuar Valon Mazreku.

Valon Mazreku: Faleminderit Kryetar për Buxhetin. Në radhë të parë ligji i financave publike e thotë që Buxhetin e propozonë Kryetari i Komunës, dhe e përpilon Kryetari i Komunës me bartësit e tij, ndërsa kuvendi i komunës mund ta votojë si të tillë ose mund ta ndryshojë në bazë të kërkesave që dalin nga anëtarët e kuvendit.

Labinoti tha më herët që me 1 shtator buxheti dorzohet te kuvendi, kuvendi në bazë të projekt-buxhetit Kryetari që e ka propozu i mbanë dëgjimet publike, mirëpo Ministri i Financave të Republikës së Kosovës nuk e ka lëshur qarkoren e dytë buxhetore. Për arsye të neglizhencës atje

nuk kanë mundur të i mbajnë dëgjimet publike pa qarkore të dytë se për të parën janë mbajtur. Vetoni, tha që pas Pavarësisë nuk kemi pasur një rritje kaq të madhe të buxhetit, si vlerë e parasë nominale ki të drejtë, por si vlerë reale e parasë është më e vogël se sa e vitit 2013. Vlera e rritjes së buxhetit e shprehur në përqindje në raport me vitin e kaluar është afër 12%, norma e inflacionit është mbi 20% në qoftëse këto dya i marrim dhe i balancojmë, atëherë vlera reale e buxhetit është më e vogël sesa e vitit 2018-2019.

Kryetar të përgëzoj për buxhetin është një dezinformacion kur thuhet që mbi 20 fshatrat kanë mbet jashtë buxhetit kjo nuk është e vërtetë përveq faktit që buxheti nuk përbëhet vetëm prej njësisë kapitale ju keni harruar me cekë këtu që në kuadër të këti buxheti jepen dhe kategorit e tjera ekonomike janë dhe subvencionet, 90.000.00E janë të ndara për bursa të studentëve në kuadër të këti buxheti dhe këta student nuk janë vetëm të Malishevës por janë nga të gjitha fshatrat e komunës së Malishevës. Mbi 200.000.00E euro janë të ndara për bujqësi jo krejt bujqit janë të Malishevës, por janë në gjitha fshatrat e Malishevës, atëher kjo po del që është dezinformata.

Kryetar unë pashë që keni nda mjete dhe për biznese start up, dhe bizneseve ekzistuese sipas natyrës së veprimtarisë që ato e ushtrojnë është dhe një e mirë e madhe kur në këto ditë të vështira për këto biznese me ju dal në ndihmë me një grand sado simbolik që është. Sa i përket sheshit i nderuar Kryetar, ketu nuk është parku i qytetit por është sheshi i dëshmorëve, ndoshta reagova kur e përmendi Valoni ish Presidentin Rugova, ne mund të ja ndërtojmë një bust Presidentit Rugova ku do qoftë në Malishevë por kjo duhet të mirret iniciativ nga LDK-ja jo nga t'i.

Kryetari në sqarimin e tij e dha shumë të qartë, projekti për sheshin e dëshmorëve është shpallur konkurs, tani është caktu një shumë për projektin ideor, bëhet projekti ideor që do e shohim të gjithë, nuk mundemi ne me i paragjyku se cilat kanë me qenë të hyrat sepse mbrenda ditës Burim munden me qarkullu 1000 vetura. Faza e dytë ne nuk e dimë se sa kushton projekti detal, sepse së pari bëhet projekti ideor vendoset se a po na pëlqen apo jo, pastaj kostoja dhe veprimet për me ardh deri te fotografia e projektit ideor është një procedurë tjetër. Pajtohna kur e ceke që pika më e ulët në aspektin gjeografik është vetë qyteti i Malishevës dhe është problematike trajtimi i ujrave nëntoksore sidomos niveli i ujrave atmosferike, por qysh ka me ndodhë kjo këtë e përcakton vetë projekti detal dhe jo projekti ideor. Kryetar, unë mendoj që ky projekt të kalojë kështu siç është propozu me këto ndryshime që i ka paraqit Drejtori i Financave. Ajo që kërkoj nga ju është që një punë që bëhet në Komunën e Malishevës të bëhet siç duhet dhe mos ta kthejmë më kokën mbrapa pastaj.

Argjend Thaçi: Urdhëro, Labinot!

Labinot Gashi: Para se të hyjë në temë është mirë që me ju përgjigj disa replikave, si anëtar i LDK-së dhe si asambleist i LDK-së nuk e di që ka koalicion LDK me NISM-ën. Sa i përket temës së buxhetit është jashtë premtimeve elektorale përpos këti projekti madhor që është bërë për plotësimin e nevojave bazike të qytetarëve. Për shembull ujësjells, tani po e organizojmë një petition Kryetar me qytetarë të Komunës së Malishevës a jeni për të hequr dorë nga ky projekt

për me e siguru ujin e pijës? Jam I bindur që të gjithë kanë me thënë po. Si projekt është i mire, mirëpo duhet me i shiqu nevojat jetike të qytetarëve, të gjithë fshatrat kemi probleme me kanalizime, kemi mungesë të ujit të pijës kjo është faktike. Nuk pash diqka në projekt buxhet që të rritet kapaciteti në shëndetësi, nuk pash ndonjë projekt që ka në funksion decentralizimit të shërbimeve, ne duhet me mendu që me i ofru shërbime sa më afër qytetarëve. I kam parë disa projekte dhe duhet me e marrë dikush përgjegjësin për qeverisjen e kaluar ku mbi 3.000.000.00E janë shpenzu në buxhet të qytetarëve dhe donacionet për qështjen që me e siguru ujin e pijës në Komunën e Malishevës, por sot banorët problemin më jetik e kanë ujin e pijës.

Sa i përket procedurave të buxhetit nuk thash ne me kalu në vendin e Kryetarit apo Nënkryetarit, sepse ai i ka fituar votat me qenë aty, por nuk bënë në këtë formë me anashkalu kuvendin në këtë kuptim e thash degradim të kuvendit, sepse për mua nuk është e lehtë për me votu ridestinimin e vjetër me i tërhek 70.000.00E sepse dhe mua më kanë votuar dhe munden që të më akuzojnë, por me mirëkuptim që të mos shkojnë mjetet në sufid e kam votuar.

Të gjitha projektet të cilat i kanë adresuar kryetarët e fshatrave, nuk janë në këtë projekt, e ceki Nebihi që ka qenë në projekt i votuar trotuari për gjatë rrugës "Imer Krasniqi" në Kijevë dhe nuk figuron në projekt-buxhet. Fshati është i mbuluar me mbeturina inerte të cilat hudhen.

Çdo projekti është mirë me i shku hap mbas hapi, sepse në fund dikush duhet me dhënë përgjegjësi për projekte të dështuara, është mandati i qeverisjes së njëjt dikush duhet të marrë përgjegjësi dhe të jep një sqarim për dështimin e këtij projekti për ujësjellës dhe të kërkojë falje.

Argjend Thaçi: Vetë fakti që tri orë diskutohet për pikën e projekt-buxhetit kuvendi nuk e injoron askënd, tjetra është qështja e padiskutueshme sepse ambiciet e 31 asambleistave nuk mundemi me i plotësu të gjithë njëjtë. Si grup parlamentar keni qenë të ftuar për me i harmonizu qëndrimet për projekt-buxhetin dhe për ti futur projektet të cilat I kemi si LDK, andaj nuk mund të thuash që kuvendi po degradon duke pasur mundësin tri orë debatimi për një pikë të rendit të ditës kjo nuk është serioze. Urdhëro, Nebih Bibaj!

Nebih Bibaj: Deshta me u ndërlihd prapë te Kijeva ne në projekt-buxhetin kur Valoni ishte në atë kohë Drejtor i Financave në projekt buxhetin e vitit 2019 kemi pasur dy ekioska, i kemi votuar në projekt-buxhet njëra ka pasur me u vendos në qendrën e Kijevës për nxjerrje të dokumentave, dhe tjetra në oborr të Komunës.

Vesel Krasniqi: Në procedur është.

Nebih Bibaj: Në rregull vetëm kaq desha të di si informacion, sepse kanë qenë të projektume por qenkan të realizushme.

Argjend Thaçi: Faleminderit Nebih!

I lus asambleistat të futen në sallë të përgaditen për votim. Fjalën e ka Veton Zogaj.

Veton Zogaj: Muharremi nuk qenka këtu, sepse deshta me diskutu me ju qështjen e stadiumit Liman Gegaj nëse këto 100.000E janë të parapara për ndërtimin e kësaj tribune në Malishev këtu bie ndesh me ligjin për financa publike, sepse stadiumin tashmë e keni dhënë në shfrytëzim për

15 vite dhe këtë ta kthen si kërkesë Ministria e Administratës. Nuk mundet me investu Komuna para publike në një objekt ku tani më është lëshuar në shfrytëzim.

Muharrem Morina: Ajo është një kontrat publike në realizim e sipër dhe kontrata nuk është nënshkruar ende, komuna ka të drejt me investu, sepse është vetëm në shfrytëzim.

Argjend Thaqi: E hedhim në votim së pari propozimin e Valon Krasniqit. Sallën e lëshojnë grupi i PDK-së, nga grupi LDK- Labinot Gashi dhe Adile Hoxha, VV-Veton Zogaj dhe Arbnore Hoti. Aktualisht të pranishëm në sallë jemi 17 anëtarë që do të thotë kemi korum dhe vazhdojmë punimet. I hedhim në votim propozimet e Valon Krasniqit. Propozimi 1- Dragobil parkingu I jashtëm I shkollës “Emin Duraku”. Propozimi 2-Balincë ndriqimi publik rruga “Martirët e Kelmendëve”. Propozimi 3-Bardhë vendosja e gypave dhe rregullimi i rrjetit të kanalizimeve dhe ujrave atmosferike në rrugën “Ahmet Krasniqi” ku si pasojë e ndërhyrjes urgjente në këtë rrugë pas qdo vërshimi bllokohet rruga. Asfaltimi i rrugës 750m dhe ndriqimi publik në rrugën Ahmet Krasniqi. Urdhëro Nënkrjetar!

Vesel Krasniqi: Te shkolla në Dragobil kemi bërë marrveshje dhe kontrat sot nënshkruhet që përfshihet dhe parkingu dhe të sigurojë që ajo përfundohet këtë nuk kemi pse ta vendosim në votim. Dhe qështja e ndriqimit rregullohet, sepse është e kontraktuar.

Valon Krasniqi: Të gjitha kërkesat të cilat i ngrita për shkak të dëgjimit publik është e parapame një kod buxhetor për këto kërkesa po shpresoj që kanë me gjetë mirëkuptim, pra po mbetet vetëm kërkesa për 750m rrugë të cilat i kam cekë se cilat rrugica janë.

Argjend Thaqi: E hedhim në votim propozimin e Valonit. Kush është për?

Për- 1

Kundër- 13

Abstenim- 3

Pra nuk kalon ky propozim.

Anëtarë nga Lista Guxo-Valon Krasniqi lëshon sallën.

E hedhim në votim projekt-buxhetin e propozuar nga Kryetari së bashku me ndryshimet e propozuara nga Drejtori për buxhet dhe financa. Kush është për?

Në mënyrë unanime aprovohet projekt-buxheti për vitin 2023-2025.

Urime Kryetar, urime të gjithëve! I ftoj të gjithë anëtarët të ulen dhe të vazhdojmë dhe disa pika që i kemi. Anëtarët të cilët lëshuan sallën ju bashkohen mbledhjes së kuvendit.

Pika e radhës është shqyrtimi dhe miratimi i kërkesës nr.02/252 datë: 23.05.2022 të parashtruar nga Besnik Bytyqi për lejimin apo kufizimin me rrethoja në fshatin Shkozë. Kjo kërkesë është e kaluar në KPF dhe pas kërkesës tonë në gjeodezi, kadastrë dhe pronë ku e ka pranë kërkesën përmes postës me datën 08.06.2022 nga komiteti për politik dhe financa me anë të së cilës është kërkuar dalje në teren për rinevimin dhe evidentimin e murit nën gasjen kadastrale të 72310049-

00450-0 zona kadastrale shkozë komuna Malishevë. Pas daljes në teren dhe levimit gjeodezik konstatojm se në fshatin shkozë përkatsisht rreth varrezave të këti fshati është duke u punuar një muri i cili nuk ka të bëjë me rregullimin e varrezave. Dhe pas verifikimeve dhe shenimeve kadastrale muri është duke u ndërtuar në pjesën e ngazes 450-0 e cila është në gaster në pronsi të komunës së Malishevës. Rregullimi i murit nuk paraqet penges për lëvizjen e lirë në rrugë dhe trotuar andaj sipërfaqja e kërkuar në këtë ngaster është 640m katror. Pra kemi të bëjm me rrethoja të varrezave që kanë kërkuar pëlqimin e kuvendit komunal. Urdhëro Nebih Bibaj

Nebih Bibaj: Faleminderit për paraqitjen e kërkesës së qytetarit nga fshati Shkozë. Mua më intereson që në këtë kërkesë të ati qytetari, a ka të bashkangjitur kërkesën e kryesisë së fshatit apo është kërkesë e t'i personale, dhe sipas praktikave të kaluara kur është bërë një kërkesë që është në interes të veçantë, përgjegjës në një far forme është kryetari i fshatit dhe kryesia e fshatit. Siç e pash në kuader të kësaj është një kërkesë personale e qytetarit ku nuk ka të bëjë me kryetarin dhe kryesinë e fshatit. Ne duhet të gjurmojmë mirë në atë pjesë për arsye mos po gabojmë në vendimet tona që i marrim, ndoshta njëra palë mundet me qenë kundër dhe pala tjetër e cila pretendon me ndërtu murin është pro asaj. Kishte qenë mirë që kjo kërkesë me u kthi mbrapa në KPF-ë që ati qytetari me ju kërku lista e nënshkrimeve dhe pëlqimet e qytetarëve të fshatit.

Argjend Thaçi: E para investimi është personal dhe e dyta prona në të cilën investohet nuk është private por është proën e Komunës së Malisheves që do të thotë vendos kuvendi komunal për atë pronë. Arlind Morina e ka kërkuar fjalën.

Arlind Morina: Sa i përket kësaj kërkesë të parashtruar nga qytetari, ne e mbështesim por e dime që investimi është nga të hyrat vetanake mendojmë që është kërkesë me vend dhe këto problemet që i kanë me kryesinë e fshatit nuk mendojmë që ne duhet ti japim zgjidhje, problemet duhet ti zgjidhin ata në lokalitetin e tyre. Une jom pro e kësaj kërkesë.

Argjend Thaçi :Urdhëro, Halil!

Halil Morina: Sa i përket kësaj pike më ka ikur si pikë e rendit të ditës, nëse ai ka vendosur që me buxhet të tij personal të rrethojë varrezat e fshatit, përse me qenë në kundërshtim kryesia e fshatit. Është krejtësisht legjitim që kryesia e fshatit me qenë të shqetësuar për këtë qështje por është dashur që kryesia e fshatit me pas një shpjegim se përse është kundër një investimi që në shikim të parë nuk duket që ka ndonjë gjë që është problematike.

Nëse nuk është qështje urgjente unë kisha thënë me e shty dhe me i sjellë nënshkrimet e banorëve të fshatit dhe nëse banorët e fshatit të Shkozës janë pro e kësaj, atëherë ne vetëm mundemi me i duartrokit këti veprimi human.

Argjend Thaçi: Urdhëro, Alban!

Alban Kastrati: Ne i kuptojmë interesat dhe kërkesat e qytetarëve, por nganjëher nuk mundemi me ju ik disa hapave procedural. Së pari ne kemi kërkesa të ndryshme për ambicie personale apo interes që kanë, për këtë arsye është e rregulluar dhe me statut të komunës që ne i kemi në

secalin fshat. Kryetarët e fshatrave për këtë arsye zgjidhen që me i rregullu qështjet dhe me ardhë në mënyrë të rregulluar. Është mirë që kjo kërkesë me u rikthy mbrapa dhe me i sjellë nënshkrimet dhe atëherë e votojmë.

Argjend Thaçi: Urdhëro, Veton!

Veton Zogaj: Kjo kërkesë në KPF-ë, ne e kemi dërguar në gjeodezi që të shkohet dhe të shikohet gjendjen në teren, dhe ka konstatuar saktë që muri mbrojtës është për rrethimin e varrezave dhe jo për ndonjë gjë tjetër. Unë po e ndaj mendimin së bashku me kolegët e tjerë se ndoshta është më mirë me e rikthy dhe njëherë te fshati me shiqu se a ka pajtueshmëri nga kryesia e fshatit dhe kjo kërkesë të vjen direkt në kuvend. Në anën tjetër po i shoh që disa fshatra që po i bëjnë disa investime private për ndërtimin e shtëpive për nevoja të komunitetit, një prej tyre ishte në Tërpez në lagjen "Lahaj" nuk e di a kanë marrë leje, sepse nuk e di që ju kemi dhënë ne leje atyre.

Argjend Thaçi: Urdhëro, Labinot!

Labinot Gashi: Sa i përket kësaj kërkesë po pajtohna me para folësit, ne nuk mundemi me e shti dikan në konflikt me ose pa vetëdije. Procedura kërkon që kërkesat në emër të fshatit të bëhen nga Kryetari I fshatit. Pra është mirë që me e marrë pëlqimin e fshatit dhe neve nuk na mbetet gjë tjetër vetëm ta votojmë, sepse është gjest human. Ne me vendime tona nuk është mirë që të nxitojmë nuk është qështje urgjente le të shtyhet dhe të plotësohet kërkesa pastaj të silltet prapë në kuvend.

Argjend Thaçi: Unë propozojë që kjo pikë e rendit të ditës të shtyhet dhe t'i rikthehet qytetarit për një nënshkrim apo petition nga qytetarët e ati fshatit. Urdhëro, Halil!

Halil Morina: Në seancën tjetër qytetari e sjell petitionin e nënshkrimeve të banorëve të fshatit, kryesia e fshatit mundet me e sjellë një shkresë se përse është kundër. Ti marrim opinionet e të dya palëve dhe pastaj të vendosim.

Argjend Thaçi: Kush është për që kjo pikë e rendit të ditës të shtyhet për seancën e radhës me propozimet?

Me 25 vota për, 1-kundër, 1-abstenim shtyhet kjo pikë e rendit të ditës.

Pika e radhës është shqyrtimi i kërkesës nr. 11/651 datë: 13.09.2022 e parashtruar nga Drejtoria për Arsim dhe Edukim për komisionin përzgjedhës për shqyrtimin e konkursit për zgjedhjen e Drejtorit dhe Zëvendës Drejtorit në institucionet arsimore, që janë në varësi të komunës sipas konkursit nr.11/1418 datë: 18.08.2022, nr.11/1419 datë: 12.08.2022. Drejtoresha e arsimit e ka fjalën!

Arbëresha Krasniqi: Përsëndetje për të gjithë!

Ne e kemi kërkesën dhe kjo kërkesë shkon te kryetari i komunës që të kalojë në KPF dhe i njëjti ta kalojë që ta merr vlerësimin e asambles komunale në Malishevë. Emrat janë të njëjt sikur qysh kanë qenë në komisionin e kaluar është magjistër Enver Mazreku, një anëtar që duhet të jetë nga

Drejtoria e Arsimit dhe duhet të jetë me kualifikim të masterit. Dhe është një prej drejtorëve të komunës së Malishevës i cili ka qenë dhe në komisionin e kaluar dhe propozojmë me qenë prap është Agroni. Enveri është Master me kualifikim i plotëson të gjitha kushtet dhe ka bërë një punë të mirë në Komisionin e kaluar, gjithashtu dhe Agroni është një Drejtor dhe mësues i mirë i lokalitetit dhe njëkohësisht i këshillave të prindërve në shkolla. Kështu që është propozim i imi personalisht që ta votoni dhe ta mbështetni këtë komision dhe këta dy emra. Një kohësisht një prej anëtarëve të tjerë i cili do ta përbëjë këtë komision është përfaqësues nga Ministria e Arsimit, Shkencës dhe Teknologjis. Ju kërkoj besimin tuaj me qëllim që të vazhdoj punën për reduktimin e 13 Drejtorëve të tjerë të cilët tashmë konkursi i tyre është i mbyllur.

Argjend Thaçi: Urdhëro, Halil!

Halil Morina: Meqë kjo është një obligim ligjor për me i hapë rrugë zgjedhjes së menaxherëve të institucioneve shkollore dhe meqë këta të propozuarit i plotësojnë kriteret e parapara atëherë ne si grup i Nismës votojmë pro këti komisioni.

Argjend Thaçi: Urdhëro, Nebih!

Nebih Bibaj: Ne siç i kemi pasur dyshimet dhe në atë pjesën e kaluar që ky komision nuk do ta kryej punën mirë jo që nuk janë njerëz dhe burra të mirë dhe profesional, por janë të ndikuar dhe siq e dimë dhe konkursi i kaluar ka shkuar me disa të gjetura dhe ato të gjetura së shpejti do të bëhen publike në zgjedhjen e Drejtorëve të cilët seriozisht kanë pasur probleme gjatë rekurutimit. Tashmë janë në faza ku shumë shpejt do të paraqitet përfundimi i pozitave të cilat janë zgjedhur Drejtorët. Nëse veq dëshmohet që ka pasur shkelje të procedurave në zgjedhjen e Drejtorëve të kaluar, unë uroj që procesi i zgjedhjes së Drejtorëve të bëhet siq duhet sepse është shtylla e një shkolle dhe nuk ka të bëjë që ta dërgoni një shok apo një shoqe, sepse nuk e kemi gjendjen e mirë në arsim. Ne jemi kundër këti Komisioni kemi qenë dhe më herët kundër dhe jemi prap kundër, nuk jemi kundër këtyre personave por jemi kundër kësaj logjike të formuar që me qenë vetëm aktivist i partis tonë në kuadër të komisioneve dhe në ato komisione po lindin probleme ku njerëzve kanë me ju shkaktuar probleme në të ardhmen. Ne si grup parlamentar jemi kundër i këti komisioni. Urdhëro, Veton!

Veton Zogaj: Për këtë kërkesë të Drejtoris së Arsimit dhe në KPF ju kam dhënë vërejtjet e mia, uroj që gjatë diskutimit të mos keqpërdoret fjalimi im për emrat konkret të cilët i përmendi, sepse kam respekt dhe për Enverin dhe për Agronin, nuk ja kontestoj aspak profesionalizmin në fushën e tyre përkatëse. Mirëpo vërejtja ime konkrete herën e kaluar kur janë propozuar këta dy emra dhe tash vërejtja ime është për faktin që këta nuk po munden me i ik petkut partiak në punën e tyre si komision. Është shembulli kur janë zgjedhur herën e kaluar drejtorët ku shumë pak prej tyre e kanë merituar mandatin shtes që janë drejtorë. Dhe këta të dy kanë qenë në komision dhe ai personi tjetër i cili e kanë zgjedhur ministria dhe duke qenë në këto rrethana dhe këta kanë dëshmu që nuk po munden me dal përtej partis po përfundojnë siç po i thotë partia. Unë jam kundër të dyve dhe në anën tjetër Drejtoreshë e dua një sqarim nga t'i përse nuk ka një komision

për ankesa për konkurentët potencial, disa ma kanë konfirmu që pasi që nuk janë zgjedhur drejtorë nuk kanë pasur se ku të ankohen, sepse nuk ka një komision për ankesa.

Argjend Thaçi: Urdhëro, Labinot!

Labinot Gashi: Sa i përket kësaj pike e thanë dhe parafolësit që shkollat janë në gjendje jo të mirë, për faktin se 3 vite e më shumë po bëhen që nuk kanë shkolla drejtorë. Është mirë me e pas një qasje më serioze, unë nuk kam asnjë qështje personale me këta të dy. Unë e di që komisioni e ka poentimin dhe në fund kryetari i nënshkruan kontratat. Po binë në ndikim të partis së tyre dhe kandidatët nuk i kanë plotësu kriteret për të qenë drejtor ashtu siç e kërkon konkursi. Unë votën e kam kundër dhe uroj që procesi i zgjedhjes së drejtorëve të përfundojë një herë e mirë pasi që aty ku nuk ka drejtor shkolle bie dhe niveli i organizimit, cilësia etj. Ju kisha lut me i ik kriterit politik, jepni përparsi kriterit profesional.

Argjend Thaçi: Urdhëro, Alban!

Alban Kastrati: Kur e ka marrë mandatin Drejtoresha që të drejtoj arsimin në Malishevë e kam përgëzuar dhe kam prit që me të vërtetë të i vendos disa gjëra në binar, të jetë më këmbngulëse në vendimet e saj, por ka përfunduar sikur drejtorët paraprak. Jam kundër për dy arsye, mënyra sesi kanë ardhur ata si militant partiak është e papranueshme. Dhe e dyta në mënyrën se si i kanë përzgjedhë drejtorët e disa shkollave nuk e di mbi qfar vlersimi kanë bërë ata për me ardhë me vazhdu prapë mandatin një drejtori, ku nuk ka tregu përformacë, nuk ka tregu seriozitet në punë, në menaxhim dhe prapë i vazhdohet. Kështu që për këto dy qështje jam i zhgënjyer dhe jam kundër.

Argjend Thaçi: Faleminderit Alban, nëse nuk ka për diskutim ftoj Drejtoreshën për sqarime!

Arbëresha Krasniqi: Alban, ne kur e kemi marrë detyrën, jo vetëm unë si Drejtoreshë por në përgjithësi qeverisja Kastrati në emrin e kësaj të përbashkët NISMA I kemi vënë vetes prioritet, dhe secili digaster i ka prioritetet e veta. Normalisht këto prioritete vijnë në konfirmimet të punëve të mira që janë bërë për gjatëd y mandateve që i kemi lënë pas. Qëllimi ka qenë për me bërë më mirë kur kam ardhur si Drejtoreshë kam pasur mundësin me performancë me i përzgjedh Drejtorët, nuk ja kam lejuar vetes një gjë të till për arsye se nuk i kam pasur ende 6 muaj, dhe unë për me e bërë një përformacë të drejtorit duhet të kem mandatin 4 vjeçar dhe si rezultat i kësaj jo që nuk kam besuar përformacës së Ish Drejtorit, por që kam dashur të merrem personalisht me këtë qështje. E kemi liru situatën që t'i skadoj afati Drejtorave dhe të shpallim konkurs dhe të marrin përgjigjien e tyre përmes konkursit të shpallur publik. Sa i përket përbërjes së emrave të komisionit ne jemi të obliguar ligjërisht është një emër i cili duhet të vjen nga Drejtoria për Arsim, ai emër duhet të i plotësoj kriteret dhe kriteri bazë i ati personaliteti është të ketë kualifikimin Master. Në drejtorin e Arsimit nuk kemi punëtor tjetër që e ka Masterin po të kishte dikush tjetër në këtë rast do të ishte tjetër por nuk ka. Mandej Agroni si person ose si Drejtor i shkollës është prej njerëzve shumë kredibil. Enveri dhe Agroni kanë vlerësuar në bazë të poetimit. Nëse keni vërejtje specifike për zgjedhjen e Drejtorëve në konkursin e kaluar, ju kisha

lut të I cekni se cilët janë ata Drejtor që po mendoni që nuk janë kredibil për me menaxhu një institucion shkollorë qoftë të mesëm, qoftë fillor.

Komisioni i ankesave është i formuar në kuadër të komunës. Komuna e Malishevës me kërkesë të Drejtoris për Arsim dhe me vendim të Kryetarit të Komunës është i formuar komisioni për Ankesa. Në këtë komision ka dhe pjesëmarrës nga Drejtoria e Arsimit ku një prej tyre është Salih Berisha. Dhe të gjithë ata që kanë ankesa në përzgjedhje apo në procedur ti adresojnë në komisionin për ankesa. Ju kisha lut që ta votoni komisionin, sepse kjo është një process që duhet të përfundojë dhe besoj që ky proces apo kjo procedur do ti ndihmojë shkollave dhe institucioneve tona.

Argjend Thaçi: Faleminderit Drejtoreshë, e hedhim në votim këtë pikë të rendit të ditës Shqyrtimi i kërkesës nr. 11/651 datë 13.09.2022 e parashtruar nga Drejtoria për arsim dhe Edukim, për Komisionin përzgjedhës për shqyrtimin e konkursit për zgjedhjen e drejtorit dhe të zëvendës drejtorit në institucionet arsimore, që janë në vartësi të Komunës, sipas konkursit nr. 11/1418 datë: 12.08.2022, nr. 11/1419 datë: 12.08.2022. Kush është për?

Për:- 14

Kundër : 12

Abstenim: 1

Me 14 vota për, 12 kundër dhe 1 abstenim, aprovohet kjo pikë e rendit të ditës.

Vazhdojmë me pikën e radhës e cila është: Shqyrtimi dhe miratimi i kërkesës nr. 02/394 datë: 13.09.2022 e parashtruar nga Zyrafete Paqarizi nga fshati Dragobil. Urdhëro, Halil!

Halil Morina: Ne fatkeqësisht po kemi shumë këso raste me sëmundje të rënda në Komunën e Malishevës. Së pari ne i dëshirojmë shërim sa më të shpejt dhe të plotë kësaj zonjës që e ka bërë kërkesën dhe të gjithë atyre që vijnë nga kjo sëmundje. Kjo është një qështje e ndjeshme unë kisha kërkuar që të del Drejtori i Financave dhe të tregojë mundësit buxhetore se si i ka dhe sa mundet me i nda për këtë punë dhe pastaj ne vendosim.

Argjend Thaçi: Faleminderit Halil, Drejtori e ka fjalën!

Blerim Thaqi: Është me të vërtetë e dhimbshme dhe nuk mund ta kundërshtoj pasi që nevoja është shumë e madhe për ta ndihmuar, sepse rastet e tilla dëshirojnë shumë ndihmë stimulimi për plotësimin e nevojave të tyre personale sidomos për furnizimin për ilaçe. Unë kisha thënë që mundeni me shku deri në shumën 2000.00E dhe atë pa përcaktu kodin se ku duhet të mirren, të specifikoni në ato kode ku dëshironi me i marrë sepse subvencionet në zyrën e Kryetarit kanë përfunduar, subvencionet në pjesen e bujqësis janë në përfundim, të kulturës janë shpenzu duke i pasur parasysh dhe subvencionimin e klubit me 40.000E. Ka mbetë vetëm pjesa e subvencionimit nga shëndetësia që është një natyrë më e përshtatshme por duhet të shqyrtohet mundësia sepse planifikimi i subvencionimit të lehonave caktohet nga vet fakti i lehonave.

Argjend Thaçi: Urdhëro, Labinot!

Labinot Gashi: Drejtor është mirë me ardhë me propozime brenda kapacitetit buxhetor që i ka Komuna. Është mirë me sqaru antartë e KPF-së se në mesin e 6 kërkesave të natyrës së njëjtë, arrin vetëm një në kuvend dhe çka është specifik se të gjitha kërkesat kanë pasur lidhje me komunë, uroj me qenë i fundit. Unë konsideroj që KPF-ja nuk bënë me i trajtu njerzit me standart të dyfysht, të gjitha kërkesat janë adresu në kuvend ato kërkesa është dashur të vijnë në kuvend i kishim ndihmu të gjithëve aq sa kemi mundësi. Po e marr një shembull që është fjala për një puntor të arsimit Zeqir Krasniqi nga Drenoci i cili e ka humbur të pamurit, më janë janë adresu qytetarët që ta ndihmojmë dhe rasti tjetër është në punëtor në Komunë është fjala për Xhevdet Mazrekun kanë qenë 6 kërkesa të natyrës së njëjtë që ju kanë adresu kuvendit, pra nuk është mirë me bërë shkelje të tilla sepse dhe ata janë qytetarë të Komunës së Malishevës. Për mua kjo nuk është në rregull të gjithë ata që bëjnë kërkesa janë qytetarë dhe neve nuk na takon me i diferencu në këtë formë. Dhe kërkesa të tilla ju kisha lut me i trajtu me dinjitet ashtu siq e meritojnë.

Argjend Thaçi: Urdhëro, drejtor!

Blerim Thaqi: Labinot, unë pajtohna me ty se të gjitha këto raste të cilat i përmende janë të natyrës që është dashur të mbështeten përkundër asaj që nuk janë të natyrës së njëjtë. Sëmundjet janë të ndryshme dhe një sygjerim gjithmonë te KPF-ja para se të vijnë në kuvend të merret një informacion se a kemi mundësi buxhetore për me i mbështet sepse me të vërtet janë raste të ndishme.

Argjend Thaçi: Urdhëro, Valon!

Valon Mazreku: Singerisht këto kërkesa janë shumë të ndjeshme dhe nuk është mirë siç tha dhe kolegu që disa me i rekomandu ne kuvend dhe disa jo. Ne shumica këtu që jemi nuk i kemi parë dosjet dhe ato kërkesa dhe nuk mundemi me i paragjyku a kanë qenë kërkesa të natyrës së njëjtë apo jo. Gjithsesi janë qytetarë të barabartë të komunës së Malishevës dhe kjo është parimi, e dyta Drejtori na tregojë për mundësit dhe është reale kjo, sepse ne kemi shpërnda mjete këtu për këto kategori. Unë kisha propozu një vlerë e di që ndoshta është e mangët në raport me nevojën që e ka personi i cili e ka bërë kërkesën, mirëpo ti ndajmë 2000E ne nuk po e specifikojmë nga ky program ose programi tjetër, mirëpo aty ku ka mjete nga kategoria e subvencioneve ta plotësoni këtë kërkesë.

Argjend Thaçi: Halili mirë e potencoj që mos të bëjmë shou me këtë kërkesë por të dalim te gjërat konkrete, ne të gjitha kërkesat që i kemi pasur si KPF i kemi rekomandu zyrës së Kryetarit me qenë me rekomandim të Drejtoris për Buxhet dhe Financa dhe pse ne nuk dojmë që kërkesa të pa numërta me i sjell këtu dhe mos realizimi i mjeteve mos me i ndodhë. Pra ne jemi shku me rekomandim, ato kërkesa nuk janë refuzu, kryetari e ka një komision që dhuron ndihma momentale mirëpo dihet që Kuvendi nuk është fond i sigurimeve shëndetësore, disa kërkesa më të ndjeshme më specifike siq i kemi nda dhe në seancat e kaluara. Urdhëro, Veton!

Veton Zogaj: Meqenëse jam anëtar i të KPF-së dhe u lakuam gjithë ne si anëtar, çdo herë që kem kërkesa të tilla e pyes Drejtorin Blerim se a kemi buxhet për mbulimin e këtyre shpenzimeve për këto kategori. Ajo që është mangësi e jona në KPF-ë është, sepse nuk kemi profesionist shëndetësor dhe mundohemi me i trajtu kërkesat mbi bazën e natyrës të sëmundjës

që e kanë. Herën tjetër nëse pajtohen dhe anëtarët e tjerë të KPF-së që secila kërkesë që vjen me e sjell në kuvend, për ne nuk do të ishte fare pengesë.

Argjend Thaçi: Faleminderit Veton, Alban Kastrati e ka fjalën!

Alban Kastrati: Këto kërkesa janë shumë të dhimbshme, dhe emocionuse sepse na bënë me u ndi keq dhe pajtohum me parafolësit që duhet pak me u konsultu me Drejtorin e financave dhe me e pa mundësin se a mundemi me i ndihmu tani me rekomandu në Kuvend. Rastit në fjalë një dozë po i kushtojke 6000E dhe unë i kisha propozu që së paku 50% ta përkrahim pra 3000E.

Argjend Thaçi: Urdhëro, Rukije!

Rukije Bytyqi: I nderuari Labinot ne të gjitha qështjet i trajtojmë njëjtë, por te analizimi i këtyre dosjeve e shikojmë dhe moshën gjithashtu këto raste nënat janë shtylla kryesore e familjes, duke parë që gati çdo familje ka kesi raste kaq të ndijshme ne kemi parë që zonja në fjalë të cilën e kemi sjellë në kuvend kërkesën e saj, e kemi parë që ka më shumë nevojë nga të gjitha rastet që janë cekë aty. Pa i anashkaluar dhe të tjerët, mirëpo të gjitha sëmundjen janë që presin ka kohë për shërimin e tyre, por sëmundja tjetër siq është rasti i kancerit është që nuk të dhuron kohë. Uroj që zonja në fjalë të shërohet sa më shpejtë.

Argjend Thaçi: Urdhëro, Labinot!

Labinot Gashi: Unë e di që sëmundjet dallojnë, por të paktën në procedur mos me bërë dallime, sepse munden me thënë këti i ndihmuan dhe mua jo, mundemi me dal keq si kuvend.

Argjend Thaçi: E hedhim në votim kërkesës nr.02/394 datë: 13.09.2022 e parashtruar nga Zyrafete Paqarizi nga fshati Dragobil, në ndihmë financiare 2000E. Kush është për? Me vota unanime, aprovohet kjo pikë e rendit të ditës.

Vazhdojmë me pikën e radhës Zëvendësimi i anëtarit të komisionit për Bujqësi. Kush është për që Mërgim Krasniqi të zëvendësohet me Valon Krasniqin?

Me vota unanime aprovohet dhe kjo pikë e rendit të ditës.

Pika radhës është shfuqizimi i vendimit nr. 02-367 sipas kërkesës së MAPL-së nr.4911/2022 datë: 07.09.2022. Kush është për?

Në mënyrë unanime dhe kjo pikë e rendit të ditës aprovohet.

A keni diqka te pika jashtë rendit të ditës. Nëse nuk ka diskutues, këtë mbledhje e shpalli të mbyllur.

Përfundoi në ora: 16:55.

Procesmbajtësja:

Albina Zulfaj-Morina



Kryesuesi i Kuvendit

Argjend Thaçi:

